

Mama ta denuncia homber cu a drenta den klas durante les y a dal su yiu na cara



Pagina 4

- **Entrada adicional
den Presupuesto
2024 destina pa
mehora poder di
compra** Pagina 2

- **“E bataya nos
a gana, pero
e guera ta
continua”** Pagina 6

- **Resultado di
investigacion
riba uso di
alcohol** Pagina 7

Aruba vs Canary Island: Con
modelo di turismo sin control ta
afecta localnan y bishitantenan
Mes



Pagina 3

Corsou:
“Aumento di
salario na
Banco Central
proposicion
indecente y
inaceptabel”



Pagina 8

Bolivia: Ta acusa Evo Morales di
busca un “crisis” cu blokeonan



Pagina 10

Minister Glenbert no ta di acuerdo cu rapport di TNO:

“TNO mester tene cuenta cu e postura y vision cu nos ta canando cune”

Ayera mainta durante un conferencia di prensa di gobierno minister di Labor, Energia y Integridad, Glenbert Croes a reacciona ariba e conclusionnan di e rapport TNO tocante e proceso di transicion energetico na e Aruba.

E mandatario a remarca cu e no ta di acuerdo cu e conclusionnan di e rapport y a resalta cu e caminda cu gobeirno ta canando pa lora ta e proceso di transicion energetico na Aruba, nan ta haciendo esaki riba nan mes y no man den man cu TNO.

“Nos no ta canando man den man cu TNO. Nos ta haciendo full e proceso di transicion energetico, e trayecto di des-carbonisacion di economia,



nos ta canando e caminda aki riba nos mes. Mi mester bisa respetuosamente cu nos ta den total desacuerdo cu conclusion y opinionnan di TNO,” el a subraya.

Na mesun momento minister Croes a extende un invitacion pa e organizacion bin

Aruba pa nan reuni cu WEB, ELMAR, Utilities, RdA y tur stakeholders cu ta involucra den e proceso di transicion energetico pa nan por scucha Aruba su posicion y vision, y pa nan por verifica esaki for di e team di WEB, ELMAR, Utilities, RdA y di cualkier otro stakeholders na Aruba

involucra den e proceso aki.

El a remarca cu e noticia y e conclusionnan di e rapport aki a asombra gobierno hopi. El a splica cu tabatin entidadnan di gobierno pa cual TNO lo a manda nan conclusionnan preliminar riba e tema en cuestion y TNO lo mester a permiti e entidadnan aki duna nan un reaccion prome cu nan emiti un conclusion final. Esey no tabata e caso y pa e motibo ey, el a indica, e ta extende su invitacion pa TNO bin Aruba pa asina evita polemica.

E mandatario a trece dilanti e punto di molinanan di biento, mencionando tambe e critica cu lider di partido AVP, Mike Eman, a expresa tocante gobierno den su reaccion ariba

e mesun rapport aki.

El a splica cu e parke di molina di biento na Vader Piet ta gobierno di MEP a realis’e, cual a hiba na e inicio di e proceso di transicion energetico. El a sigui splica cu e zona di Rincon ta ideal pa desaroya e siguiente expansion di e parke di molina di biento pa genera electricidad pa WEB y via WEB e ta bay ELMAR.

E mandatario a agrega cu tambe tin posibilidad pa un “offshore” parke di molina di biento. Tin un zona designa entre Aruba y Venezuela cu ta un zona cu tin un potencial pa desaroya un parke di molina eynan di casi 320MW.

ELMAR lo reschedule trabao di mantencion grandi durante Ola di Calor pa evita interrupcion planea di corriente

Aruba ta actualmente den e Temporada di Calor, cual ta di juni te cu september. Durante e periodo aki, ELMAR ta particularmente vigilante riba condicion di tempo. E luna mas caloroso y cu e consumo di coriente mas halto ta tur aña durante september. Den e luna di mei di e aña aki, nos a yega un consumo peak di 148.4 MW, cu ta supera e consumo peak di e aña pasa na september 2023 di 144.9 MW. Esey ta señalnan di temperatura creciente y e importancia di medidanan di seguridad.



Na e momento cu ELMAR ricibi notificacion for di Meteo Aruba tocante un Ola di Calor cu ta bin, nan lo inme-

diatamente reprograma trabou grandi di mantencion pa un momento mas sigur y mas apropiado despues cu e Ola di

Calor a pasa. E salud y seguridad di ELMAR su clientenan y su tecnicoan ta primordial. Haci trabou di mantencion durante un Ola di Calor por trece riesgo grandi pa salud. Door di pospone e actividadnan aki durante e periodonan aki, ELMAR ta trata pa proteha tur hende involvi contra e efectonan negativo di temperatura halto. ELMAR lo notifica clientenan den e area cu e trabou di mantencion ta cancela. “Uitschakelberichten” y cancelacion di “Uitschakelbericht” ta wordo distribui riba radio, riba ELMAR su pagi-

nanan di medionan social, den corant, y riba nan website. Pa cualkier inquietud of mas informacion riba trabounan di mantencion binidero, por fabor bishita ELMAR su website na <https://www.elmar.aw/safety-and-reporting/notifications-planned-work-outages/electricity-interruptions-due-planned-work> of tuma contacto cu ELMAR su Team di Customer Service na customerservice@elmar.aw. ELMAR ta aprecia e comprension di nan clientenan ora nan implementa e medidanan di precaucion aki.

Segun minister di Finanzas:

Entrada adicional den Presupuesto 2024 destina pa mehora poder di compra

Algun tempo atras Parlamento di Aruba a ricibi e Nota di Comienso di Aña 2024 y hunto cune e prome Presupuesto Complementario pa aña 2024 cu ta contene e cambionan den maneho cu ta rekeri aprobacion di Parlamento.

Un di e cambionan cu ta resalta ta e entrada extra cu a wordo realisa debi na e mejoracion di cumplimiento di pago di belasting y crecimiento economico. Minister di Finanzas, Xiomara Maduro ta informa cu entrada ex-

tra aki den Presupuesto 2024 lo wordo destina pa mehora e poder di compra di varios grupo den comunidad.

Indexering
Ta conoci cu Gobierno a yega na un acuerdo cu sindicatonan pa indexa e salario di e empleado publico pa mehora nan poder di compra. Un parti di e indexering lo tuma luga den luna di juli 2024 y p’esey den e prome Presupuesto Complementario 2024 ta aloca fondo pa e indexering aki.

Reparatietoeslag

Den e Presupuesto Complementario tambe ta aloca fondo pa asina por brinda trahadornan cu ta gana menos di 2500 florin y e pensionadonan di SVB un subida di e reparatietoeslag.

Bijstand
Pa mehora e poder di compra di esnan mas vulnerabel den comunidad, den e Presupuesto Complementario tambe ta aloca fondo pa asina por hisa e suma di bijstand pa esnan cu un limitacion.

Trahadornan di Fundacion



subsidia
Pa e trahadornan cu ta traha na Fundacionnan cu ta haya subsidio di Gobierno, den Presupuesto Complementario lo pone fondo pa e Fundacionnan aki por ahusta e salario di nan trahadornan pa mehora nan poder di compra. E Fundacion subsidia pa Gobierno lo mester haci un peticion apart pa e fondo extra y esaki lo wordo duna

bou e condicion cu e fondo por wordo uza solamente pa gasto di salario y no pa otro gasto di e fundacion.

Aprobacion di Parlamento
Minister Maduro ta spera cu Parlamento por aproba e prome Presupuesto Complementario pa aña 2024 pa asina varios grupo den comunidad por keda yuda cu nan poder di compra.

Aruba vs Canary Island: Con modelo di turismo sin control ta afecta localnan y bishitantenan mes

April ultimo, na Canary Island, ubica na Spaña, miles di persona a manifesta contra un modelo di turismo masivo. E manifestantenan ta segura cu ta agobiando e archipelago, ademas nan ta pidi pa limita e cantidad di turista y stop loke nan ta describi como desaroyo di turismo sin control, cu ta perhudicial pa medio ambiente y habitantenan. Esaki por ta un punto di atencion pa Aruba siña di e les aki?

E protestanan cualifica den prensa Spaño como algo historico, a produci den ocho isla cu ta conforma e region. Nan ta denuncia cu e modelo di desaroyo turistico sin control a causa aumento di huur di corto duracion y construcion di hotelnan cu ta aumenta costo di vivienda pa residentenan. Sinembargo, nan no ta contra sector turistico, cu ta representa 35% di economia Canario.

Segun datonan oficial, na 2023, 13,9 miyon turista a

bishita e islanan principal, esaki ta nifica seis biaha cu e poblacion di e islanan cu ta di 2.2. miyon.

E manifestantenan a señala cu nan kier un modelo sostenibel cu lo tin den consideracion e impacto ambiental, asina como escasez di awa den un clima cada biaha mas caluroso, y eherce menos presion riba e costo di bida y vivienda.

Na 2023, 34% di hendenan di Canary Island tabata den riesgo di pobresa of exclusion social, e di dos cifra mas halto di Spaña despues di Andalucia, segun Instituto Nacional di Estadistica di e pais Europeo (INE).

Hapon ta un otro ehemplo, ayera diferente medianan internacional a publica cu “Hapon kier turismo, pero menos” e pais aki tambe ta luchando contra turismo masivo y nan tabata custuma cu un media di 3 miyon turista, pero e cifra ey a subi te 25 miyon bishitante y pa e aña

aki lo por subi te 33 miyon, “demasiado” segun Gobierno a indica.

Na Aruba comparando e situacion cu Canary Island no ta mucho diferente, e frase di “Mas no ta miho” tin un costo na unda e cifranan continuo di turismo ta deteriorando e experiencia turistico di e bishitantenan como e calidad di bida di e hendenan local.

Pa loke ta trata comparacion di densidad y intensidad, Aruba tin 11.451 bishitante pa km², un cifra cu ta supera significativamente e 2.167 bishitante pa km² di Canary Island.

Aruba tin 19.6 bishitante pa habitante pa aña compara cu 7.4 bishitante pa habitante pa aña di Canary Island. Tanto e densidad como e intensidad di Aruba den comparacion cu Canary Island mester ser interpreta como “señal di alerta grave” segun loke ambientalistanan manera di Aruba Birdlife Conser-

Tens of thousands protest against Canary Islands' 'unsustainable' tourism model

Organisers say 50,000 turn out to call for limit on tourist numbers, saying model makes life unaffordable and puts strain on resources



People take part in a protest to demand an urgent rethink of the Canary Islands' tourism model, in Fuerteventura, Canary Islands, on Saturday. Photograph: Carlos de Saá/EPA

vation ta bin analisando for di lunanan atras.

E “tipping point” di gasto turistico di Aruba, “e punto optimal” a alcanza cu 8 bishitante pa habitante pa aña, e number aki a duplica asina tanto cu awor a yega na 19.6 unda “turismo di Aruba a pasa na un estado di rendimiento decreciente” manera Aruba Birdlife Conservation ta segura.

No obstante, nan ta puntra nan mes kico ta e menasanan clave cu Aruba ta enfrenta cu un modelo di turismo masivo? Degradacion ambiental, uso excesivo di recursonan (storing di coriente), problemanan di gestion di residuonan (RWZI) daño na ecosistema (UTV), presion na mercado inmobiliario cu ta haci cu viviendanan ta menos accesibel pa hendenan local, experiencia di calidad di bida (beachnan yen di hende, contaminacion di zonido, trafico, aumento di costo di bida, sin lubida e perdida di cultura local. “Duna semper prioridad na turismo ta deteriora nos identidad y tradicionnan cultural unico.”

Na januari, nan a bati alarma pa loke ta trata especienan di Aruba, manera Prikichi y Shoco, den un post denomina ‘Ekilibrio perdi den e paraiso’ nan ta señala cu e modelo turistico di Aruba: ta describi cu Aruba un isla den Caribe ta presenta un contradiccion cu ta toca e fibra sensibel tanto di ecologistanan como di economistanan. Conoci pa nan beachnan impresionante y su cultura, Aruba tambe tin

un tesoro menos conoci pero igual di significativo: su especie di parhanan unico, e Shoco cu a ser declara simbolo nacional na 2012 y e Prikichi declara como parha nacional di Aruba na 2017. E sub-especie aki endemico awor ta emblema di un crisis urgente di conservacion. E situacion precario di e Shoco y e Prikichi ta un recordatorio duro di e retonan medio ambiental mas amplio cu Aruba ta enfrenta, intervencion humano cu antes tabata leu a bira indispensable pa nan supervivencia. Programanan di cria no solamente ta beneficioso, sino necesario pa evita nan extincion.

Pa Aruba Birdlife Conservation, e tension provoca pa turismo masivo ta cada biaha mas grandi, no solamente pa hende local. Nos bishitantenan tambe ta pidi pa un modelo turistico mas sostenibel.

Pakico Aruba no por siña di Canary Island, Venezia, Barcelona of Amsterdam cu tambe a lanta nan voz contra e modelo di turismo sin control?

No ta ora di considera implementa limitenan di capacidad pa bishitantenan? No ta e lema nobo “Balor riba volumen? Of sector turistico tambe lo mester demostra loke por sucede y lo warda hasta cu lo produci mas dañonan prome cu considera un cambio di direccion serio? Aruba Birdlife Conservation ta puntra.

THE OBSERVER – Spain

Tens of thousands protest against Canary Islands' 'unsustainable' tourism model.

Tens of thousands of people are protesting across the Canary Islands to call for an urgent rethink of the Spanish archipelago's tourism strategy and a freeze on visitor numbers, arguing that the decades-old model has made life unaffordable and environmentally unsustainable for residents.

The protests, which are taking place under the banner “*Canarias tiene un límite*” – The Canaries have a limit – are backed by environmental groups including Greenpeace, WWF, Ecologists in Action, Friends of the Earth and SEO/Birdlife.

“We’ve reached the point where the balance between the use of resources and the welfare of the population here has broken down, especially over the past year,” said Víctor Martín, a spokesperson for the collective *Canarias se Agota* – The Canaries Have Had Enough – which helped to coordinate protests on Saturday across the eight islands.

April 20, 2024

ARUBA versus The Canary Islands RED FLAGS

	Canary Islands	Aruba
Number of inhabitants	2,200,000	105,000
Area	7477 km ²	180 km ²
Number of inhabitants per km ²	294 inh./km ²	583 inh./km ² ●
Number of visitors 2023	16,200,000	2,061,224
Number of Visitors per km ²	2,167	11,451 ●
Number of visitors per inhabitant per year	7.4	19.6 ●

Mama ta denuncia riba Facebook cu un homber a drenta klas durante les y a dal su yiu

Ayera ariba red social un biaha mas un publicacion cu ta relaciona cu maltrato di mucha a bira viral. Ta trata di un publicacion di un mama, J. Richardson, cu a denuncia publicamente cu un homber adulto a drenta den klas y a dal su yiu di seis aña.

Segun e mama aki ta indica den su publicacion, tur cos a cuminsa cu un simpel wega di "tikertje" di mucha y a termina cu un homber grandi ta drenta den klas di su yiu y pasele un bofta na su cara.

"Ken por a kere cu den e tempo moderno aki por ta posibel cu un mayor, hende homber di un edad alrededor di 37 aña, por drenta klas di un Kleuterschool y despues di puntra nomber di un mucha di 6 aña...gewoon pasa e juffrouw di klas voorbij, yega para dilanti di e mucha y kaff'e un wanta den su cara casi bent'e for di su stoel y bis'e "otro biaha no mishi cu mi yiu". Despues cana bay manera nada a pasa," e mama a splica den su publicacion.

E caso aki a sucede na Scol Preparatorio Kukwisa, unda e mucha ta bay scol. E mama di e criatura a sigui apunta cu esaki ta un trauma psicologico no solamente pa su yiu cu a biba e momento ey, pero tambe pa e otro muchanan di e klas cu a presencia e acto aki tuma luga. El a agrega cu su yiu ta un mucha keto y trankilo.



Por asumi cu un situacion asina ta rekeri di atencion serio y un investigacion, pero segun e mama ta señala, e proceso aki no a cana manera debe ser y no a ricibi e atencion necesario.

"Awor ta bin e parti mas increibel... E cabesante di scol hunto cu e juffrouw y e me-
neer cu na e momento ey tabata presente den mi yiu su klas, y SKOA a cera cabes

hunto y a prefera pa proteha e scol y gewoon a purba stroba e investigacion di polis birando yen storia y pa nada nan kier a divulga te na e momento aki na mi persona e nomber di e burdugu cobarde di marca mayor," e mama a subraya.

El a sigui splica cu di otro banda e cabesante di e kleuterschool ta menasando su persona cu e mester hiba su yiu scol, obligacion di leer-

plicht, e siguiente dia y haci manera cu nada no a pasa sin tene consideracion cu e trauma cu e mucha a experiencia.

"Mi yiu ta bula lanta for di soño dos pa tres biaha marduga, e tin miedo di hende, miedo di ta cerca y papia cu hende.... Y en bes di puntra si mi yiu ta bon si mester algun ayudo mi ta wordo obliga pa mi hib'e scol... Mi ta haya cu e nivel di profesionalismo di nos enseñansa aki a laga hooopi di desea y e manera cu esaki a ser atendi for di e principio di e sucedido ta hopi desapunta... Pasobra niun hende a tene cuenta cu e trauma psicologico cu mi yiu ta pasando aden. E miedo di hasta acerca e porta di Kukwisa Kleuterschool cu a keda den dje. Mi ta imagina cu tin mas mucha di su klas lo a keda afecta na un nivel of otro di e mesun incidente cruel aki pensa cu ken cu ta por drenta klas y dal bo pa hunga cu otro," el a remarca.

E mama di e mucha ta resalta cu e persona responsabel, E. Sint Jago, keto bay ta cana rond manera "un gran heroe" cual e ta señala ta danki, den gran parti, na e cooperacion di Kukwisa Kleuterschool y SKOA cu a keda nenga di duna e informacion detaya na polis.

"E cabesante di scol cu a scoge pa proteha e nomber di su scol ariba e abuso di mucha cu a tuma luga na su scol y sin yama polis na e momento di e sucedido, mi no

lo bay pone su nomber pero tur hende por sa facilmente ta ken e ta... Mi ta confia cu husticia lo prevalece pronto riba tur esaki," el a finalisa.

E publicacion aki a bira viral ariba Facebook y hopi ciudadano a expresa nan rabia, malcontento y frustracion. Hopi ta cuestiona ta con algo asina por a tuma luga, con un mayor por a djis drenta den klas sin cu a wordo para pa ningun staff of personal di e scol pa cuestiona e motibo pakico e persona, un mayor, tabata riba tereno di scol durante orario di scol.

Hopi ciudadano a reacciona den e seccion di comentario y ta conseha e mama pa e mes cana su caminda, haci un denuncia contra e homber y no warda riba e scol no SKOA pa nan investigacion.

Bon Dia Aruba a tuma contacto cu directora di SKOA, sra. Anuesca Baly, y a manda algun pregunta pe pa loke ta e caso lamentable aki. A puntra Baly kico su reaccion ta tocante e acusacionnan cu e mama aki a haci, si e informacion cu e mama a publica, indicando cu SKOA a cera cabes cu e kleuterschool pa e proteha e scol y cu a stroba e investigacion door di no duna informacion detaya, ta corecto y kico ta e medidanan cu SKOA a tuma den e caso aki.

Bon Dia Aruba no a ricibi contesta for di Sra. Baly prome cu e ciere di e edicion.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com


info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Keda aumenta salario minimo...

Nos salario minimo actualmente ta na Afl. 1986,20 pa luna, loke no lo impresiona esnan cu mester biba di esey. Costo di bida ta haltisimo y e cifranan pa proba esey ta disponible. Pero promer cu nos bay den e discusion ey, con realmente nos ta para, compara cu e region di cual nos ta parti? Al fin y al cabo, mayoria di e paisnan aki tin turismo como sector principal, o por lo menos un di e esunnan mas importante. Por lo tanto, nan ta competidor serio pa nos economia.

Nos salario minimo pa luna ta na dollar Americano \$ 1103,40 pa luna. Pa ora e ta alrededor di US\$ 6,43 pa ora (a base di 40 ora pa siman). Pa cumenza: ken ta den mihor situacion cu nos? Esey ta e teritorionan di Estadonan Uni den Caribe, Puerto Rico y US Virgin Islands: sueldo pa ora US\$ 10,50. A base di 40 ora pa siman esey ta algo mas di US\$ 1800, es decir na dollar casi mes hopi cu nos tin na florin. Fuera di esakinan, ta dificil pa detecta otro teritorio cu ta yega na nos nivel. Un di e islanan cu ta yega na US\$ 6 pa ora ta Anguilla. Otro cu ta na nos nivel ta Bahamas, unda salario minimo ta na BSD 6,50 pa ora, cu ta na par cu dollar Americano.

Barbados tin un posicion intermedio, cu ta na US\$ 4,25 pa ora (US\$ 736 pa luna). Otronan cu ta mas abao ta por ehemplo Grenada (US\$2,7 pa ora); St Kitts & Nevis (US\$ 3,98 pa ora). Pais mas grandi den nos region cu ta fuerte den turismo: Republica Dominicana (US\$ 307) y Jamaica (US\$ 417 pa luna). Sint Maarten ta mas o menos na mesun nivel cu nos: salario minimo na US\$ 1000,- (NAF 10,40 pa ora). Mas comparacion? E paisnan riba continente Latinoamericano cu salario minimo mas halto ta: Costa Rica (US\$ 603), Uruguay (US\$ 540), y Chile (US\$ 475), tur pa luna.

Pero awor e otro banda di e medaya, e costo di bida cu ta bay cu e salario aki. Naturalmente no tur hende tin un salario minimo, pero e grupo cu tin djis un tiki mas cu esey ta grandi. For di publicacion di e propio CBS nos por mira cu e necesidad basico pa un persona soltero ta Afl. 2615, loke ta duna un deficit compara cu e actual salario minimo di Afl. 629 pa luna. Haciendo un comparacion cu 2019, nos por mira cu den 5 aña salario minimo a aumenta cu Afl. 171, mientras cu e costo di bida compara cu 5 aña pasa a bira Afl. 332 mas halto, casi dos biaha e aumento salarial.

Conclusion: e brecha entre salario minimo y

costo di bida ta habriendo; nada straño, esey nos tur sa. E pregunta cardinal ta: kico por haci y kico ta bay haci? Nos no ta referi aki solamente na loke gobierno por o ta desea di haci; tin pregunta mas general cu ta dirigi na henter sector priva, cu ta por ehemplo: ta posible aumenta productividad cambiando manera di opera, loke por conduci na menos persona na trabao, pero mihor paga? Tin un responsabilidad grandi aki pa cada empresario pa busca solucion pa nan mes, segun nan propio posibilidadnan. Si no haci esey, e cuchiu ta corta di otro banda: bo ta bay tin empleado cu ta tuma 'side-job' pa por sobrevivi y no ta presta na nivel, pa via di cansancio. No por sigui ignora e situacion aki.

Gobierno di su banda no lo ni pensa pa hisa e nivel di salario minimo drasticamente pa cera e brecha, loke nos por comprende pasobra aumento di salario ta hiba nos den direccion di prijs mas halto ainda, derotando e accion ey di forma contundente. Pero ban pensa por ehemplo riba transporte publico. Ken realmente ta haci uso di transporte publico? Tur esnan cu di berdad no por paga un auto, sino nan lo a cumpr'e caba. Ora nos ta contempla e noticianan reciente, unda atrobe Arubus ta bin dilanti como un ehemplo di un empresa estatal cu no por tene su cabez riba awa, a pesar cu loke ta cobra e ciudadano ta bastante pica caba. E conclusion sin embargo na cual ta yega mas tanto, esta cu mester cobra mas ainda pa haci e empresa rentable, ta esun corecto? Segun nos opinion no, por mira e asunto di otro banda. Si nos no kier yega na 100.000 vehiculo priva, nos lo mester aumenta y mehora transporte publico? Pero con, cu subsidio? Esey ta posible, si ta haci un distincion entre subsidia pa mantene mal manejo y servicio mediocre, o subsidia pa inverti pa amplia y mehora servicio, pa por para e aparicion di mas auto riba caminda, cu tambe ta costa nos placa. Cu mehora servicio nos ta referi por ehemplo na e situacion, cu ta existi pa hopi aña caba, cu trahadornan cu ta baha tempran di San Nicolas y alrededor mester cambia bus na Playa pa por sigui pa trabao na area di hotel. A drecha e situacion aki mientras tanto? Tambe mester tuma na cuenta cu e fenomeno di taxi ilegal a surgi pasobra tin tanto persona indocumenta presente, y di otro banda e sistema di transporte publico ta asina deficiente cu esey ta brinda oportunidad pa empresa ilegal. Aruba mester na varios nivel cumenza pensa 'outside the box' pa por yega na ataca e brecha salarial di varios banda; e problema di transporte caro pa esnan di menos recurso ta djis un di nan.

Parlamentario independiente Rycond do Nascimento:

E bataya nos a gana, pero e guerra ta continua

Nos ta celebra e victoria den parlamento na defensa di matrimonio entre un homber y un muhe. E resultado di dia 8 di mei hunto cu esun di dia 19 di juni 2024 ta un alivio pa e mayoria di pueblo, pasobra un votacion den parlamento no mag di cambia e destino di un pueblo cu ta identifica su mes como religioso (segun CBS 94% ta religioso y 75% catolico).

Sea cu bo ta catolico, protestant, evangelico, pentecostal of otro religion, nos ta kere den e dignidad di cada persona sin importa su religion, rasa of orientacion sexual. Tambe nos ta kere cu tur hende, sin importa ken, ta merece proteccion huridico den nos leynan. Esey no ta kita cu riba tereno cultural nos ta keda conservador y derechista.

Un gran elogio ta bay pa cada ciudadano cu a muestra nos politiconan cu norma y balor ta importante. Cada ciudadano cu a marcha y cada un di e 18 mil firma pa conserva matrimonio. Sin boso bos y compromiso, nunca nos lo a logra. Tambe nos gratitud ta bay na Iglesia Catolico, Iglesia Protestante, ICA, tur lider religioso y tur persona cu a uni activamente na defensa di balornan tradicional. Boso luz mester sigui briya.

Sin embargo, e guerra ta continua, pasobra e coalicion Accion21-MAS-RAIZ ta keda determina pa impone nan ideologia isquierdista riba



henter un comunidad. Laga mi duna tres ehempel con nan ta completamente dispuesto pa troce nos reglanan Constitucional pa logra nan meta:

1. Miguel Mansur a lansa e pensamiento cu un voto contra e ley di matrimonio homosexual ta un voto cu ta viola nos Constitucion. Los for di tur teoria cu ta den su cabes, su argumento ta completamente ridiculo. Nos Constitucion ta garantisa e libertad pa cada parlamentario vota su consenshi y e libertad ta bay asina leu cu si parlamentarionan no ta di acuerdo cu e contenido di nos Constitucion, nan por vota pa cambia su contenido. Pero e argumento no ta mas cu un pretexto, pasobra loke Miguel kier, ta impone su ideanan cueste lo que cueste. P'esey e no ta ria pa menasa Dowers cu pa motibo di su voto contra e no lo por bira minister di husticia den un

coalicion AVP-Accion21.

2. Miguel Mansur a declara dia 19 di juni 2024 den prensa cu e dia ey tabata un dia skur pa democracia y cu cierto grupo religioso ta corumpi politica y ta denigra nos Constitucion. E realidad ta cu ciudadanonan cu un conviccion religioso a haci uzo di nan derechonan democratico cu ta hancra den nos Constitucion pa para y marcha pa nan opinion. Es mas, ta Miguel ta esun cu ta contra democracia: e no kier ningun forma di referendum y e ta contra cualkier tipo di dialogo cu personanan cu ta defende norma y balor tradicional, pasobra e no kier duna plataforma na ideanan inspira riba cristianismo. Segun Miguel hende Cristian no tin derecho pa vocifera nan opinion of pa wordo scucha.

3. Marisol Tromp aparentemente tabata convenci cu nan mester a presiona parlamentarionan cu tabata duda ainda. P'esey Marisol a pasa henter dia 8 di mei 2024 gañando cu tin un regla huridico cu ta stipula cu parlamentario cu kier abstene di vota mester bandona sala. E supuesto regla ey simplemente no ta existi den nos leynan. Obviamente "el tiro la saliò por la culata", pasobra su intimidacion a resulta den e resultado di voto 10-10. Como cu Accion21-MAS-RAIZ ta mal perdedor, nan a bay uza e mesun mentira di e supuesto regla cu mester bandona sala pa retira tanto griffier como presidente di parlamento for

di nan puesto.

Pa impone nan meta e grupo isquierdista Accion21-MAS-RAIZ ta bay mucho mas leu cu simplemente troce nos reglanan constitucional, pasobra nan tambe ta troce enseñansa religioso y ta fomenta odio contra hende cu ta identifica como cristian. Laga mi duna tres ehempel di con nan ta demonisa creyente:

1. Miguel Mansur a dirigi su mes na creyentenan evangelico, bisando: "Si bo fe ta bisa bo odia un hende, bo mester di un religion nobo." Asina Miguel ta troce e berdad cu e creyentenan aki ta kere cu Dios a stima nos tur asina tanto cu E'l a manda Hesus pa muri pa nos picanan. E creyente ta kere den e mandamento di Hesus pa stima bo prohimo manera bo mes. Pero e tambe ta kere cu e practica homosexual ta un pica. Esey no ta odio, sino fe.

2. Misha Raymond na su turno ta bende e idea cu un perspectiva religioso ta hiba na suicidio bao di hobenan. E ponencia ey tambe ta demonisa cristianismo como algo peligroso, creando un argumento pa elimina cristianismo.

3. Raymond Kamperveen ta boga pa bin cu un impuesto special pa iglesianan, insinuando cu e iglesianan ta haciendo algo malo y cu p'esey mester castiga iglesianan financieramente. E retorica di Accion21-MAS-

RAIZ ta fomenta odio contra religion. Tambe nan retorica ta conduci na destruccion di matrimonio tradicional y di e definicion di kico ta un homber y un muhe. Ademas nan retorica ta conduci na silencia creyente y elimina religion for di e ambito publico. E manera pa logra esaki ta door demonisa religion, cambia ley y penetra den e mente di nos yiunan na skol uzando bullying como pretexto.

Nos ta kere den tolerancia y dialogo, p'esey nos ta keda semper dispuesto pa un combersacion serio riba nos conviccionnan. Pero nos no por acepta un agenda asina peligroso haya raiz den nos comunidad. P'esey nos mester uni forsa contra opresion, persecucion y discriminacion di hende religioso. Nos mester bin cu un ley di referendum pa pueblo por expresa su mes directamente. Nos mester ancla e definicion di matrimonio den nos Constitucion pa asina ningun hues por mishi cu esaki mas. Nos mester vota consciente di e peligernan. P'esey sostiene candidatonan cu a demostra un compromiso cu e causa. Pasobra trahando hunto nos ta aumenta nos bos y nos impacto. Pasobra e bataya nos gana, pero e guerra ta continua!

Nota di redaccion: E articulo aki ta un opinion di parlamentario independiente Rycond do Nascimento y no ta representa opinion di Bon Dia Aruba. Cualkier declaracion ta responsabilidad di e autor.

Tareanan di director di Post Aruba NV traspasa temproalmente na Sra. Esther Gomes y Sr. Ramoncito Croes

Post Aruba N.V. pa hopi aña ta pasando den dificultad financiero y mester wordo reorganisa pa haci e compania financieramente y operativamente stabiel.



Ministro encarga cu Turismo & Salubridad ta anuncia cu entrante **26 juni 2024** durante 14 dia lo tin oportunidad pa un y tur tuma conocemento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **grossiersvergunning** pa e parcela na **Wayaca 43-C, Lok 16**. E permiso aki ta concerni benta di bebida sterki por mayor y pa consumo unicamente otro caminda cu den e parcela. Den e periodo aki tur hende por expresa por escrito nan desacuerdo contra dunamento di e permisionan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.



lmente stabiel.

Den cuadro di reorganizacion di Post Aruba N.V. diabierna ultimo a palabra, mientras cu lo inicia cu e proceso pa bus-

ca un director nobo pa Post Aruba N.V., cu lo traspasa e tareanan di e director di Post Aruba N.V., Sr. Guillermo Raymond, temporalmente pa Sra. Esther Gomes y Sr.

Ramoncito Croes, segun a informa den un comunicado di minister Geoffrey Wever..

Sra. Esther Gomes actualmente ta legal manager na Post Aruba N.V. y Sr. Ramoncito Croes ta actualmente operations manager.

"Mi ta gradici Sr. Guillermo Raymond pa su 40 aña di servicio na Post Aruba N.V.," e minister a remarca.

Ministerio di Asuntonan Economico, Comunicacion y Desaroyo Sostenibel lo mantene comunidad informa riba e desaroyonan di Post Aruba N.V.



AWAWE

Awo cu 2 florin mas, bo por gana e

***Afl. 400.000,-**

***Afl. 300.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO



AAA a organisa evento pa chekeo di salud pa nan empleadonan

Construyendo un comunidad mas saludabel den aeropuerto

Aruba Airport Authority N.V. (AAA) cu masha placer a organisa e di dos evento drive-thru pa chekeo di salud y bienestar di e comunidad di aeropuerto riba e dianan 10, 11 y 12 di juni 2024.

Coincidiendo cu aeropuerto su enfoko riba salud y bienestar y alabes basa riba Sustainable Development Goals (SDGs) di Nacionnan Uni, e Airport Community Health and Wellbeing Drive-Thru Check tabata un evento di tres dia na aeropuerto mes, aki ta caminda tur stakeholder, third parties y vendors a ricibi e invitacion pa pasa e sala VIP di aeropuerto pa realisa un chekeo personal di salud. Mas di 250 miembro cu ta forma parti di e comunidad di aeropuerto a participa n'e evento, incluyendo e personal di AAA, Ground Han-



dlers, Aduana, Cuerpo Policial, US CBP, Total Cleaning y Concesionaires.

E control di salud a consisti di un test di presion di sanger, sucu den sanger, calculacion di body mass index (BMI) y presion di wowo. Unabes cu a keda cla cu e chekeo di salud, cada persona a ricibi nan resultado. Coincidiendo cu e



metanan di salud y bienestar di AAA, Health and Wellbeing Drive-Thru Check, cu a dura tres dia tabatin como meta pa stimula e comunidad di aeropuerto pa concentra riba nan bienestar fisico door di tuma medida preventivo den nan estilo di bida p'asina garantisar bon salud y evita malesa y biba den cu balansa di curpa y mente.

Den e siguiente Health, Safety and Sustainability Week 2024, lo presenta e resultadonan di e Airport Community Health and Wellbeing Drive-Thru Check n'e comunidad p'asina brinda informacion general tocante e estado di salud di e comunidad di aeropuerto y brinda recomendacion adicional p'asina biba un bida mas balansa. "Nos ta hopi contento cu e participacion na e evento Health and Wellbeing Drive-Thru Check y cu e interes demostra di parti di e miembronan di e comunidad di aeropuerto pa nan salud y bienestar. Ademas e evento aki tambe ta fortalece e compromiso cu nos stakeholders, ta demostra nos compromiso cu e comunidad di aeropuerto y ta crea un sentido fuerte di comunidad en general", asina Angeline Flemming,



Director of Health, Safety and Sustainability na AAA, a expresa.

STEPS 2023

Resultado di investigacion riba uso di alcohol

Den aña 2023 Departamento di Salud Publico den colaboracion cu WHO/PAHO y Central Bureau of Statistics (CBS) a organisa un investigacion Nacional cu a carga e nomber di STEPS 2023.

Meta di STEPS 2023 tawata pa colecta informacion valioso riba salud di nos comunidad di forma cu organisacionnan encarga cu maneho di salud publico por ricibi un bista actual di e salud di nos poblacion pero tambe conoce e factornan di riesgo cu por conduci na malesanan cronico. Conociendo e factornan di riesgo aki e diferente organisacionnan lo por traha riba manehonan nobo mas dirigi riba mehoracion di e salud di nos hendenan.

Riba topico di uso di alcohol, investigacion Nacional

STEPS 2023 a conclui cu 21% di Aruba su poblacion ta participa na bebemento di alcohol excesivo.

E hende homber ta bebe mas alcohol cu un avarahe di 5.5 bebida pa ocasion compara cu e hende muhe cu ta bebe 3.3 bebida pa ocasion.

Uzo excesivo di alcohol por conduci na sobre peso, problema cu salud mental, cancer y por afecta organonan manera curason, higra y stoma.

Cu e informacion aki conoci, e ora a yega pa nos dal e paso pa nos salud y "cambia nos habitonan" abo ta cla p'e?

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](#), subi nos website [www.dvg.aw](#), yama nos na 5224200 of mail nos na [servicio@dvg.aw](#)



**TRABOU DI MANTENCION
RIBA LIÑA DI JABURIBARI**
Interupcion di Coriente Plana

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 27 di juni 2024 8:00 AM te cu 4:00 PM

Den vecindario di:

- Caya Araroet
- Caya Seida
- Caya Balorian
- Caya Tusa
- Caya Bembe
- Fuerte
- Caya Bini Bini
- Jaburibari
- Caya Fransebloem
- Moko (un parti)
- Caya Hanico
- Nuñe (un parti)
- Caya Kanebloem

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita [www.elmar.aw](#) pa mira e lista di adresnan afecta.

Danki pa e comprension.



Aumento di salario na Banco Central proposicion indecente y inaceptabel

(CuraçaoChronicle) - Den un comunicado di prensa, Giselle McWilliam, lider actual di e partido MAN, a bisa cu Corsou actualmente ta e pais mas pover den Reino, cu aproximadamente 40% di e poblacion bibando den pobreza.

McWilliam a enfatisa cu, ademá di e situacion economico precario aki, e pueblo di Corsou recientemente mester a contribui 30 miyon florin durante 30 aña y Banco Central di Curaçao y Sint Maarten 15 miyon florin durante 50 aña, pa salba e pensionnan di ENNIA.

“E placa aki por a ser usa pa aumenta e pension AOV of inverti den desaroyo di educacion y social,” McWilliam a señala.

E lider di MAN a critica e consideracion di un ‘benchmark’ pa e salario halto di directornan di Banco Central, notando cu no ta duna un consideracion similar pa aumenta pension di AOV, beneficinan social, salario minimo y restaura e poder di compra di e pueblo di corsou.

“No tin consideracion pa inverti den cuido di salud a causa di un falta di fondo,

sinembargo pa motibo cu e Banco Central a fracasa den su rol manda pa ley, awo nos tin cu paga 1.65 biyon florin!” McWilliam a exclama.

Tambe el a menciona cu parlamento a aproba caba e ley di “top inkomen”, cual ta inclui e salario di e directornan di Banco Central. E ley ta declara cu e salario maximo anual pa e directornan por ta di 386,000 florin pa aña.

“Mirando e situacion di pobreza y falta di fondo pa hende por biba un bida digno, ademá di e desaroyonan y fracasonan den supervision di Banco Central den GiRO y



ENNIA, cual e publico mester carga e peso di dje, nos ta considera esaki un proposicion inaceptabel den un pais

enfrentando asina hopi desafío financiero y pobreza den hogar,” McWilliam a conclui.



The Bottom – Riba 18 di juni 2024, Colegio di supervision financiero di Boneiro, Sint Eustatius y Saba (Cft) a bishita Saba. Ayanan, e Colegio a papia

cu e Colegio Ehecutivo tocante di e desaroyo continuo di maneho financiero y e desaroyo organizacional inicia.

Cft: Saba ta sigui desaroya maneho financiero

Ademá, a delibera tocante di e ambicionnan di Saba riba e tereno di – entre otro – siguridad di subsistencia y e desaroyo economico di e isla. E pagonan special cu frecuentemente ta forma parti di e ambicionnan aki, ta pone presion riba e presupuesto.

Durante su bishita, Cft a dedica atencion na e mehora continua di maneho financiero. A pesar cu ya caba for di 2014, Saba ta ricibiendo declaracionnan di auditor aprobatorio tocante di e cuentanan anual, maneho financiero y e desaroyo di e organizacion (financiero) tin

prioridad riba e agenda di e Entidad Publico. Cft a papia cu e team di planificacion y control di e departamento di finanzas, y ta haya cu e pasonan cu a ser duna pa desaroya maneho financiero ta algo sumamente positivo.

Na 2023, Hulanda y Saba a cera un acuerdo di gobernacion. E acuerdo aki ta enfoca riba mehora di siguridad di subsistencia, desaroyo economico duradero, clima y naturaleza, y fortalecimiento di bon gobernacion. Cft a delibera cu e Colegio Ehecutivo tocante di e progreso di e acuerdonan administrativo

aki, y nan efecto riba e presupuesto.

Un parti considerabel di e proyectonan ta ser financia for di e pagonan special, loke ta pone presion riba e presupuesto regular. Esaki ta debi na e hecho cu inversionnan, manera e construccion di e haf nobo, ta conduci structuralmente na gastonan mas alto pa maneho, mantencion y remplazo.

Pa finalisa e bishita, Cft a bishita algun proyecto dirigi riba e desaroyo economico duradero di e pais.

Corsou lo produci bateria pa vehiculonan electrico

(CuraçaoChronicle) - Corsou lo crea un fabrica cu lo produci bateria pa vehiculonan electrico y otro aplicacionnan.

E facilidad lo ta localisa den Freezone. Curinde, e zona su manager, y e compania Mericano SCMT Energy a firma un Memorandum of Understanding (MOU) cu e meta aki.

E MOU a ser firma den presencia di representantenan di Corsou su ministerio di asuntonan economico, cual a expresa sosten fuerte pa e proyecto innovativo aki dentro di Free Economic Zone maneha pa Curinde. Esnan cu a firma tabata Mr. Samuel



Kang, CEO di SCMT Energy y Sra. Jacqueline Jansen, CEO di Curinde.

MR. Kang a declara cu “danki na nos relacion cu Caltech-incubated Sienza Energy y e

sosten di e gobierno di Corsou, nos lo produci baterianan di clase halto na Corsou,” Mr. Kang tambe ta ex ehecutivo di BYD y Hefe di Operacion na Sienza Energy.



Departamento di Labor y Investigacion

Oranjestad, 24 di juni 2024

Topico: orario pa atende publico diamars 25 di juni 2024

INFORMACION GENERAL

Departamento di Labor y Investigacion ta participa na tur cliente cu riba **diamars 25 di juni 2024** parti mainta nos lo ta cera pa publico en conexion cu training di personal di MHPSS.

Departamento di conflicto como tambe e parti cu ta trata cu **werkboek** lo atende publico despues di 1’or di merdia.

Nos ta pidi disculpa si esaki por trece cualkier inconveniencia.

Director suplente,
Sr. Anthony Lee Riviears

Fiscalnan ta apela pa sentencia mas estricto den asesinato di Peter R. de Vries



(NLTimes) - **Ministerio Publico di Hulanda (OM) lo haci u apelacion -a cu tur 9 sospechoso involucra den e asesinato estilo ehecucion di Peter R. de Vries. OM a bisa cu e 7 homber condena den e tiro a ser duna sentencianan cu ta demasiado leve. Tambe a apela contra e retiro di acusacion contra e otro dos homber.**

Delano G. a ser condena pa

tira de Vries na Leidseplein den centro di Amsterdam dia 6 di juli 2021, despues cu el a aparece riba un episodio di RTL Boulevard. E reportero di 64 aña a fayece 9 dia despues. OM a bisa cu e motibo tabata cu De Vries a traha cu fiscalia su testigo clave den e huicio contra hefe di crimen organisa Ridouan Taghi y e sospechosonan tabata kier causa miedo den publico y manda un señal cla di kico ta pasa ora bo para contra cri-

men organisa.

Kamil e. a ser condena di yuda G. huy for di e escena y Krystian M. a ser condena pa orkestra e asesinato. G. y E. a ser duna sentencia di 28 aña y M. a ser ordena cumpli 26 aña den prizon. E fiscalnan tabata kier pa tur 3 pasa henter bida den prizon.

OM tambe a pidi termino di 21 aña contra Gerower M. y Erickson O. Sinembargo

Suspect	Court Sentence	OM demand
Delano G. (24)	28 years	Life in prison
Kamil E. (38)	28 years	Life in prison
Krystian M. (29)	26 years	Life in prison
Gerower M. (27)	10 years	21 years
Erickson O. (29)	10 years	21 years
Konrad W. (31)	14 years	17 years
Ludgardo S. (35)	4 weeks	14 years
Divainy K. (30)	Acquitted	8 years and 4 months
Christopher W. (29)	Acquitted	3 years

ambos a ser duna un decada den prizon pa e corte. E dos a ser acusa di graba De Vries herida riba caya y distribui e imagennan riba rednan social cu intencionnan terorista, sinembargo e corte a bisa cu nan rol den e crimen a ser comproba pero no nan deseo di causa daño na sociedad.

Konrad W. a ser acusa di participa den e reportero su asesinato despues cu OM a acusa su persona di provee arma, e vehiculo pa huy y e materialnan pa destrui e vehiculo. El a ricibi sentencia di 14 aña den prizon mientras cu OM a pidi 17.

Mientrastanto, Lugerdo S. su acusacion di asesinato cu intencion terorista y participacion den un organisacion criminal a ser retira. Despues di yora y nenga su rol, el a ser libera di e acusacion pero si

a ser condena pa crimen di droga y sentencia na 4 siman den prizon. OM tabata kier 14 aña den prizon contra su persona.

OM tambe tabata kier pa Divainy K. ser encarcela pa 8 aña y 4 luna, y Christopher W. encarcela pa 3 aña. Christopher ya caba a ser aresta den un crimen separa prome cu e por a forma parti di e asesinato, y corte a bisa cu K. ta acusa di actonan preparatorio den e etapa di plan pa e asesinato.

E sistema hudicial di Hulanda ta permiti ambos fiscalnan y sospechosonan apela si nan no ta di acuerdo cu e veredicto of sentencia. Tipicamente, un apelacion mester keda otorga dentro di 14 dia despues cu a lesa e veredicto den corte.

Minister di inmigracion ta retira su sosten pa teoria di reemplaso

(NLTimes) - **E minister premira di asilo y inmigracion a retira su sosten pa un teoria di conspiracion cu migracion en masse na Hulanda y otro partinan di mundo ta parti di un complot pa reemplasa hende blanco cu hendenan cu no ta blanco for di otro pais.**

Marianne Faber, ken ta representa PVV, a bisa riba dialuna cu mientras e no ta kere mas den e teoria nacionalista di hende blanco, e ta keda "hopi preocupa" cu e cambio di poblacion na Hulanda. El a bisa un comite di Tweede Kamer.

Faber a bisa cu awo "e ta distancia su mes completamente" for di e palabra omvolking. E palabra Hulan- des ta traduci como "repoblacion," y ta conecta na e teoria Great Replacement. Tambe el a bisa cu e no mester a usa e termino aki na su audiencia di confirmacion dialuna anochi. E sesion a cuminsa 5or di atardi y a dura un periodo extendi a causa di e politico su



varios declaracionnan controversial y practicanan etico den pasado.

"E hecho ta cu e demografia di Hulanda ta cambiando. E ta valido pa ta hopi preocupa tocante esaki. Ami tambe ta preocupa. Pero mi ta realisa cu e palabranan aki, un politica conscientemente plania pa transforma of reemplasa un poblacion, ta incorrecto y indeseabel. Tambe esaki tin conexionnan teribel na e pasado y Nazismo," Faber a expresa na e politiconan.

"Mi no ta kere den un plan of conspiracion, y mi partido conhuntamente cu mi persona ta aborece cualkier cos cu tin di haber cu Nazinan y nan ideologia." Tambe el a nota cu ambos AIVD y NCTV, a expresa desaprobacion cu e teoria aki. "Mi ta di acuerdo cu esey y mi no lo usa e terminonan aki mas." El a bisa cu e "no tin ningun problema" cu distancia su mes di esaki, agregando cu "esey ta exactamente loke mi ta haciendo awo."

TE HUUR prime lokatie



**Kantoorryimte benedenverdieping
90 m2 te L.G. Smith Boulevard 22
vanaf 1 juli a.s.
Huurprijs Afl. 3.000,00**

Te bevragen bij 5824417 t.a.v.
Prisca Sapuana of
Sapuanap@kloeslawyers.com

Bolivia: Ta acusa Evo Morales di busca un “crisis” cu blokeonan

(DW) – Gobierno di Bolivia diasabra ultimo a acusa e ex-presidente Evo Morales di busca un “crisis structural” cu anuncio di blokeonan di camindanan y di corta e mandato di Luis Arce, pa “impone” su candidatura den eleccion presidencial di 2025.

“Blokeonan cu Evo Morales tin planifica ta un golpi pa economia, ta afecta e produccion cu ta dirigi pa abastece combustibel y cuminda pa e ciudadnan,” minister di Presidencia, Maria Nela Prada a bisa.

Den ultimo simannan, e pais ta sufriendo aumento di prijsnan di algun alimento manera tomati, siboyo, aros y cu Gobierno ta atribui na “speculacion” y “interes politico personal”.

Prada, den un pronunciamiento for di Cas di Gobierno na La Paz, a sostene cu Morales ta pretende “genera un escenario di crisis structural” pa “corta e mandato” di Luis Arce.

“Evo Morales ta dispuesto pa blokia nos economia y sacudi nos pais, pa impone su candidatura den bon y den malo,” Prada a indica.

Siguidonan di Morales, ken tambe ta lider di Movimiento al Socialismo (MAS) a adverti



cu ta bay cuminsa e blokeonan di camindanan den caso cu Arce no lo promulga e Ley 075, cu ta destitui e magistradonan di tribunalnan halto di e pais.

E plaso cu e siguidonan di ex-mandatario a pone a caduca diahuebs ultimo, pa loke nan a insinua cu lo aplica medidanan di presion pa logra e promulgacion di e norma.

E ley a ser aproba pa legislativo diana pasa den un sesion polemico den cual legisladonan siguidonan di Evo a

participa hunto cu fraccionnan di partidonan di oposicion. Mientras cu e bloki di Arce, tabata ausente y a denuncia e ilegalidad di e reunion ey.

Na final di aña pasa, Tribunal Constitucional Plurinacional (TCP) a extende su funcionnan y di e magistradonan di tribunalnan halto di e pais pa evita un “bashi den poder” tanten lo realisa eleccionnan hudicial.

Tambe a resolve cu eleccion indefini “no ta un derecho humano” y cu na e pais ta

aplica “un biaha so” di forma continuo of no. Loke ta afecta Morales cu ta busca ta candidato di MAS na 2025, pero a goberna Bolivia for di 2006 te cu 2019 cu tres mandato continuo.

Di su parti, diadomingo ultimo Evo Morales a bisa cu Gobierno di Luis Arce ta busca tira culpa riba dje pa protestanan cu ta reclama falta di dollarnan y combustibel, ademas aumento di algun alimento, cu na su huicio, Ehecutivo no ta soluciona e

demandanan ey.

“Nan ta tira culpa riba nos manera a nos ta esun cu a nombra ministernan y autoridanan di Gobierno,” el a bisa.

E ex-gobernante a afirma cu e pais ta “den su pio momento cu ora tabata na tempo neo liberal,” haciendo referencia na añanan anterior na su Gobierno, pa motibo cu “nunca a falta combustibel ni dollarnan” entre otro aspecto cu e ex-mandatario a cuestiona.

Colombia: Petro ta sigura cu su Gobierno no ta spion, den contesta na denuncia di Corte Constitucional

(EFE) – Ayera dialuna, presidente di Colombia, Gustavo Petro a sigura cu su Gobierno no ta spion di ni un hende, despues cu Fiscalia a habri un investigacion pa denunciacion di un posibel interceptacion di telefonnan di magistradonan di Corte Constitucional.

“E gobierno aki no ta haci loke a haci den pasado,” Petro a manifesta riba su cuenta di “X” den cual a señala cu “for di prome dia di Gobierno e orden di e presidente na organismonan di inteligencia ta pa no usel’e contra oposicion, prensa of corte.”

Fiscal general di Colombia, Luz Adriana Camargo, diasabra ultimo a bisa cu “a ordena habri un investigacion corepondiente di forma inmediato” pa denunciacion di un posibel spionahe na Corte Constitucional di Colombia, debi na denunciacion presen-



ta pa magistradonan.

Entre e posibel pruebanan tin informacion di presunto tapgesprek na telefonnan di magistrado y otro funcionari- onan cu procesonan sensibel. Ademas magistradonan tin, entre nan funcionnan, esun di examina si reformanan

di Gobierno, aproba mediante leynan of decretonan, ta cumpli cu rekisitonan di constitucionalidad.

E investigacion a ser anuncia despues cu e corant El Tiempo a revela cu magistradonan a transmiti informacion tocante un presunto

spionahe na huesnan, algo cu no ta nada nobo na e pais na unda varios caso di spionahe a tuma luga na sistema hudicial anteriormente.

Ademas, revista Semana tambe a revela cu despues cu presidente di Corte Constitucional, Jose Fernando Reyes, a entrega na fiscal un carta den cual magistrado Jorge Enrique Ibañez a denuncia cu e y su casa “ta victimanan di un persecucion di parti di organismonan di inteligencia estatal.”

E spionahe aki supuestamente ta inclui tapgesprek telefonico, cu colokialmente ta ser yama “chuzada” na e pais, asina como siguimento, elaboracion di perfilnan y monitoreo permanente. “Tur pa cuenta di su trabou como magistrado den e Corte ey,” e revista a agrega.

E caso di “scucha ilegal” of “chuzada” ta trata di un scandal durante gobierno di Alvaro Uribe (2002-2010)

despues cu a bira conoci cu e Departamento Administrativo di Seguridad (DAS) cu no ta existi mas, e cual tabata eherce labornan di inteligencia, a instala microfon na Corte Supremo di Husticia y a intercepta telefonnan di hopi personalidad, entre nan huesnan, periodistanan y opositornan.

Pa e caso aki ta condena, entre otro, Bernardo Moreno, ex-secretario di Presidencia di Colombia y Maria del Pilar Hurtado, ex-hefe di DAS, ken a ser haya responsabel di varios delito pa Sala Penal di Corte Supremo di Husticia. Na september 2017 ex-director di DA, Jorge Noguera tambe a ricibi un condena di 7 aña, 10 luna y 15 dia di prison, como coautor di delito di organizacion criminal pa realiza “interceptacion na comunicacion priva, vigilancia y siguimento sin un orden di un autoridad hudicial.”

Jamaica: PNP ta haci yamado pa gobierno confirma situacion di capacidad di ICU na e isla

(JamaicaObserver) - Vocero di oposicion riba salud y bienestar, Dr. Alfred Dawes ta haci yamado na Ministerio di Salud y Bienestar (MOHW) pa confirma of nenga e reportahenan cu a pesar di 210 ventilador registra den sistema, tin menos cu 40 cama den e unidad di cuido intensivo (ICU) disponibel na e isla.

Dr. Dawes ta indica cu e ministerio a evita contesta e preguntanan directamente tocante e capacidad di ICU di e isla, Dr. Dawes a puntra, "prome cu e pandemia, tabatin menos cu 35 espacio di ICU apropiada, sin conta e espacio di sala di recuperacion improvisa. Segun reportahenan, tin alrededor di 35 espacio di ICU apropiada den e sistema di salud publico. Pakico MOHW no a inclui e



informacion aki den nan reporte?"

Segun Dawes, e fracasonan pa actualisa significativo e capacidad di ICU di e pais ta un testimonio mas di e falta di priorisacion di cuido critico di parti di e ministerio.

El a bisa cu e inyeccion masivo di placa den e sistema cu a wordo mira durante e pandemia, no tin ningun motibo valido pa e pais tin menos cu

40 cama di ICU pa un poblacion di casi tres milyon di hende y cuater milyon di turista cu ta bishita anualmente. E vocero di oposicion a bisa cu e falta di cama den ICU ta atrasa cirugianan critico manera proceduranan neurologico y cirugianan compleho di cancer. E tambe a afirma cu un cantidad innumerabel di pashentnan di trauma, stroke, septic y post-cirugia a muri wardando pa cama di ICU cu

no a materialisa.

"Na cualkier momento, tin varios pashent cu ta warda pa un cama di ICU pa duna nan un chens di lucha pa nan bida. Como resultado di e capacidad limita, e staf ta tuma e decision di ken lo haya chens pa biba. Ningun pashent, familiar, amigo of trahado di salud no merece e status quo aki," Dr. Dawes a bisa den un comunicado di prensa.

"Aplaudiendo e cantidad mas grandi di ventiladornan den historia ta nifica nada si e infraestructura, e personal y e ekiponan rekeri no ta poni na lugar pa crea suficiente facilidadnan di cuido critico na e isla," el a sigui bisa.

Dr. Dawes a bisa cu e ministerio di salud mester declara claramente e capacidad di ICU di e pais y delinea e pasonan cu ta wordo tuma pa

aumenta e capacidad pa cubri e demanda di e poblacion. Siman pasa, Dr. Dawes a haci yamado pa un reforma total di loke e ta clasifica como un sistema di salud publico kibra cu ta na e rand di un crisis.

Dr. Dawes a argumenta cu a pesar di un presupuesto aumenta, e sistema di salud no a logra reduci morto di baby y maternal, y no a dirigi adecuadamente e prevalencia di malesa no-transmisibel, cu segun e ta un consecuencia midibel "pa e fracasonan pa implementa y mantene un sistema di cuido di salud adecuada".

Su comentario ta bin despues di e morto di un baby prematuro na Hospital di May Pen na Clarendon na comienso di e luna aki cu supuestamente ta debi na falta di accesibilidad na ventilador

Trinidad y Tobago: Minister Cummings ta entama caso contra oficina di Abogado General

(TrinidadExpress) - Abogadonan cu ta representa Minister di Desaroyo di Hubentud y Servicio Nacional, Foster Cummings, a presenta un caso contra e Oficina di e Abogado General tocante e diseminacion di un nota secreto di e Special Branch cu e ta afirma ta contene un cantidad di acusacionnan no funda contra dje.

E contenido di e nota a wordo descubri pa e Senador di e United National Congress (UNC) Jayanti Lutchmedial-Ramdial durante un reunion politico na mei 2022.

Un team di abogado dirigi pa Ramesh Lawrence Maharaj, SC, a presenta e caso di e cliente electronicamente den number di Cummings pa violacion di principionan di ley comun riba base di uso incorrecto di informacion priva y violacion di confidencialidad y un violacion di e derecho constitucional di e minister pa privacidad garantiza pa Seccion 4(c) di e Constitucion.

"E nota di Special Branch y e memorandum a contene acusacionnan di comportacion incorrecto, antietico y ilegal den relacion cu e demandante, den su capacidad como un oficial di gobierno,

un politico y un negoshante."

"E hecho di y e contenido di e nota di Special Branch y e memorandum a scandalisa e demandante, a causa daño na su reputacion y perdida y a causa cu e y su famia y su constituentenan berguensa, dolor y sufrimento, y a haci publico detayenan aleha di e asuntunan di negoshi y situacion financiero priva di e demandante."

"A pesar di e hecho cu e acusacionnan y/of afirmacionnan conteni den e nota di Special Branch y e memorandum ainda ta warda un investigacion cu ainda no a keda cla," e demandante a indica

Dia 8 di juni, Maharaj a tene un rueda di prensa durante cual el a bisa cu Cummings tin intencion di tuma accion contra e Estado pa motibo di e nota cu a wordo filtra pa proteha su reputacion.

Maharaj a bisa cu notanan secreto manteni pa e Special Branch tabata considera no solamente como secreto sino tambe como priva y confidencial, cu ta nifica cu e miembronan di e Special Branch y e Servicio di Polis lo sa cu tal notanan y nan contenido no mester wordo publica. Pero sinembargo, di algun manera, e nota a cay den man di

Lutchmedial-Ramdial.

El a indica claramente, sinembargo, cu Cummings no ta tuma accion legal contra Abo-

gado General Reginald Armour, SC, den su capacidad personal, sino contra su oficina. Esaki ta pa motibo cu e Oficina di e Abogado General

ta e representante legal di tur entidad estatal, incluyendo e Servicio di Polis di Trinidad y Tobago, di cual e Special Branch ta forma parti.

De AFTA zoekt nieuwe collega's

Vacature

- (Senior) Onderzoeker

Vereist

- Een HBO/WO opleiding in een economische richting

Contact :

✉ info@afta.aw

☎ +297.280.0480

Wilt u als onderzoeker bij de AFTA aan de slag en voldoet u aan de gestelde eisen? Stuur dan uiterlijk 1 augustus 2024 uw motivatiebrief en bijbehorende curriculum vitae gericht aan dhr. E. Kross, MSc., info@afta.aw




Voor meer informatie over de functie kunt u onze website bezoeken:

<https://www.afta.aw/vacatures/>



AMC MEGASTORE
L.G SMITH BOULEVARD 144

AMC DAKOTA
AVENIDA MILIO CROES 41

AMC SAN NICOLAAS
BERNARD VAN DE VEEN
ZEPPENFELDSTRAAT 78

SHOP ONLINE: shop.amcunicon.com



Fuel your Break

Chocomel

Zaccagni ta anota den tempo extra pa Italia avansa den Euro 2024



(AP) — Substituto di Italia, Mattia Zaccagni a anota den e ultimo minuut di tempo extra pa Italia avansa na etapa di knockout di Euro 2024 despues di empata Croacia 1-1 dialuna.

E tiro di Luka Modric den segundo mita tabata muestra manera e lo pasa Croacia como finalista den Grupo B, pero Zaccagni a manda un tiro briyante den e di ocho minuut di tempo extra pa horta un final furioso for di e campeonnan defensor.

Italia tabatin mester di un punto pa progresa, mientras Croacia realisticamente tabatin mester di gana pa keda den e torneo. E Croatanan tin dos punto for di nan tres wega, y tabata na merced di e otro resultado pa mira si ta suficiente pa continua como un di e miho tercer lugarnan. Modric a anota 33 seconde despues cu portero Italiano, Gianluigi Donnarumma a scapa su penalty, convirtiendone asina den e golador di mayor edad den historia di e torneo. Modric,

cu 38 aña, 289 dia di edad dialuna, a kibra e record di Ivica Vastic, kende tabata 28 aña, 257 dia ora el a anota pa Austria contra Polonia na Euro 2008. Despues cu Modric a faya e penal, Croacia inmediatamente a ataca atrobe y Donnarumma mester a scapa un tiro di Ante Budimir. Modric a bula riba e rebound den minuut 55. E gol a manda yobida di cerbes na shelo mientras fanaticonan Croata ecstático a tira e cups cu nan tabatin den e celebracionnan.

Alessandro Bastoni a responde cu un cabezaso como respuesta ya cu e Italianonan a haya nan mes diripiente den necesidad di un gol. Derota por a mira e campeon defensor knocked out dependiendo di e resultado pa mira si ta suficiente pa continua como un di e miho tercer lugarnan. Modric a anota 33 seconde despues cu portero Italiano, Gianluigi Donnarumma a scapa su penalty, convirtiendone asina den e golador di mayor edad den historia di e torneo. Modric,

ORA LOCAL

GRUPO A			
ALEMANIA (GER)	SCOCIA (SCO)	HUNGARIA (HUN)	SUECIA (SUI)
GER	5	1	SCO
HUN	1	3	SUI
GER	2	0	HUN
SCO	1	1	SUI
SUI	1	1	GER
SCO	0	1	HUN
PTS.			
A1	ALEMANIA	7	
A2	SUECIA	5	
A3	HUNGARIA	3	
A4	SCOCIA	1	

GRUPO B			
SPAÑA (ESP)	CROATIA (CRO)	ITALIA (ITA)	ALBANIA (ALB)
ESP	3	0	CRO
ITA	2	1	ALB
CRO	2	2	ALB
ESP	1	0	ITA
ALB	0	1	ESP
CRO	1	1	ITA
PTS.			
B1	SPAÑA	9	
B2	ITALIA	4	
B3	CROASIA	2	
B4	ALBANIA	1	

GRUPO C			
SLOVENIA (SVN)	DINAMARCA (DEN)	SERBIA (SRB)	INGLATERA (ENG)
SVN	1	1	DEN
SRB	0	1	ENG
SVN	1	1	SRB
DEN	1	1	ENG
ENG	1	1	SVN
DEN	1	1	SRB
PTS.			
C1			
C2			
C3			
C4			

GRUPO D			
SLOVENIA (SVN)	HULANDA (NED)	AUSTRIA (AUT)	FRANCIA (FRA)
POL	1	2	NED
AUT	0	1	FRA
POL	1	3	AUT
NED	0	0	FRA
NED	1	1	AUT
FRA	1	1	POL
PTS.			
D1			
D2			
D3			
D4			

GRUPO E			
BELGICA (BEL)	SLOVAKIA (SVK)	ROMANIA (ROU)	UKRAINA (UKR)
ROU	3	0	UKR
BEL	0	1	SVK
SVK	1	2	UKR
BEL	2	0	ROU
SVK	1	1	ROU
UKR	1	1	BEL
PTS.			
E1			
E2			
E3			
E4			

GRUPO F			
TURKIA (TUR)	GEORGIA (GEO)	PORTUGAL (POR)	CZEGHIA (CZE)
TUR	3	1	GEO
POR	2	1	CZE
GEO	1	1	CZE
TUR	0	3	POR
GEO	1	1	POR
CZE	1	1	TUR
PTS.			
F1			
F2			
F3			
F4			

DI 8 PA FINAL	
	VS
29 JUNI 3:00PM (A1 vs C2) Dortmund	
DI 8 PA FINAL	
	VS
30 JUNI 3:00PM (B1 vs 3ra A/D/E/F) Cologne	
DI 8 PA FINAL	
	VS
1 JULI 12:00PM (D2 vs E2) Düsseldorf	
DI 8 PA FINAL	
	VS
1 JULI 3:00PM (F1 vs 3ra A/B/C) Frankfurt	

CUARTO FINAL	
	VS
5 JULI 12:00PM Stuttgart	
CUARTO FINAL	
	VS
5 JULI 3:00PM Hamburg	

SEMI FINAL	
	VS
9 JULI 3:00PM Munich	

FINAL	
	VS
14 JULI 3:00PM Olimpia Stadion, Berlin	

SEMI FINAL	
	VS
10 JULI 3:00PM Dortmund	

CUARTO FINAL	
	VS
6 JULI 12:00PM Düsseldorf	
CUARTO FINAL	
	VS
6 JULI 3:00PM Berlin	

DI 8 PA FINAL	
	VS
29 JUNI 12:00PM (A2 vs B2) Berlin	
DI 8 PA FINAL	
	VS
30 JUNI 12:00PM (C1 vs 3ra D/E/F) Gelsenkirchen	
DI 8 PA FINAL	
	VS
2 JULI 12:00PM (E1 vs 3ra A/B/C/D) Munich	
DI 8 PA FINAL	
	VS
2 JULI 3:00PM (D1 vs F2) Leipzig	

Mas cu un prestamo...

Nos ta pa haci bo vakantie bira realidad. Aplica awe mes!

island finance

J.O. (Oranjestad) No. 95, 523-4848 | De la Soledad No. 65, 583-4843
Rockefellerstraat No. 2, 583-5556 | Tamarit-Flap, Shabo No. 82, 583-4800

islandfinancearuba.com





UEFA EURO2024 GERMANY

SUPER SHOPPING

Ooststraat 5, Oranjestad
Tel. +297 582 2818

Pa tur e fanaticonan, tin tur sorto di Jerseys y accessories di tur e paisnan participante den **EuroCup y Copa America.** Pasa busca di bo awe mes y apoya bo pais favorito di pia te cabes.

Habri tur dia di 9am - 6.30pm y diadomingo di 10am - 2pm



GOOOOAAALLLL!

Alhambra
CASINO AND SHOPS

DAILY PROMOTIONS, FRIENDLY STAFF,
WHERE ARUBA GOES TO PLAY!

J. E. Irausquin Blvd # 47 | www.casinoalhambra.com



WALASKA
auto air & solution

NOORD 73



Solucion pa tur problema cu airco di bo auto.

Yama nos na:
588-6610

Spaňa cu hopi cambio ta derota Albania 1-0 pa completa etapa di grupo perfecto



(AP) — Spaňa a cambia casi henter su alineacion y toch a mantene su inicio victorioso den Campeonato Europeo cu un victoria 1-0 riba Albania, elimina dialuna.

Cu su team ya sigura di gana Grupo B, coach Luis de la Fuente a cambia 10 di su start-ernan y Spaňa a gana tur tres wega di grupo den Euro pa prome biaha desde 2008, ora el a continua pa gana e torneo. Un gol den minuut 13 for di Ferran Torres y e save di portero David Raya den tempo extra for di Armando Borja a sigura cu Spaňa a completa e etapa di grupo sin concede

un gol. Italia tabata e otro clasificador di Grupo C despues di empata cu Croacia 1-1. Albania tabatin mester di al menos un empate pa tin speransa di clasifica pa etapa di knockout pa prome biaha, hasta como un di e miho teamnan den tercer lugar. E perdida a nifica cu a keda na ultimo lugar. E fracaso di Albania den derota Spaňa ta nifica cu Inglatera, Francia y Hulanda tur tabata sigura di clasifica pa etapa di knockout sin importa kico pasa den nan ultimo wega di grupo. Tur e teamnan aki tin cuatropunto di dos wega y lo clasifica al menos como un di e miho teamnan den tercer lugar.



Celebrando Olympic Day den gran forma:

Olympic Day Run & Celebration hunto cu IBISA un exito rotundo



Durante diasabra mainta riba Vondellaan, dilanti oficina di Comité Olimpico Arubano, nos a celebra dia internacional di Olimpismo, unda cu a sigui cu e iniciativa internacional di #letsmove, unda a colabora cu IBISA su Kids run.

Durante e run aki, mas di 750 mucha a participa di tur edad, y inclusion tabata grandi, como

por a mira muchanan di tur nivel di deporte a participa y disfruta di e bunita evento aki. Alabes e celebracion a tuma luga den gran forma, unda varios federacion deportivo tabata presente pa haci demostracionnan, y partner di COA den e movecion olimpico, Royal Aruba Aloe tabata presente cu nan DIY scrub station, cu sigur a haya bon acogida. Sin lubida e diferente stations unda

por a saca potret of traha video 360 cu e antorchanan olimpico presente.

Movecion ta un manera sano y saludabel di celebra nos dia internacional di Olimpismo, y esaki sigur tabata un dia cu hopi ambiente y energia positivo. COA kier gradici tur partner cu a haci e evento aki posibel, manera IBISA, Comision di Atletas Olimpico y Aruba Bank.



Participacion exitoso di Aruba Bank na Seminario “Mi Poder Financiero”



Aruba Bank ta contento di a participa den e seminario “Mi Poder Financiero” organisa pa Fundacion Plan di Bida Aruba, cu a tuma luga na Renaissance Convention Center.

E evento a trece nos comunidad hunto pa siña tocante e aspecto nan esencial di un bon maneho financiero.

Fundacion Plan di Bida Aruba, a organisa e seminario aki pa promove un bon maneho financiero y duna solucion nan practico pa maneho di finansas. Nan programa ta inclui plan di presupuesto, di debe y arreglonan di pago pa duna sosten na e comunidad.

E seminario a conta cu participacion di diferente ex-

perto local, notario, realtor y profesionalnan legal. Aruba Bank a duna un presen-

tacion tocante e paso nan pa yega na bo propio cas.

Participanten tabatin oportunidad pa bishita e “booth” di Aruba Bank pa informacion y conseho financiero personalisa tocante hipoteca.

Aruba Bank ta orguyoso di a participa den un evento cu ta promove bienestar financiero den nos comunidad.

Pa esnan cu no a logra asisti e seminario of cu tin mas pregunta tocante di hipoteca, por bishita e website www.arubabank.com.



Robert Thiel ta haya reconocimiento pa su trayectoria di 50 aña den farandula di Aruba

Diasabra dia 15 di juni ultimo Robert Thiel a celebra su 50 aña den farandula na the New Chinese Club. Minister di Cultura Xiomara Maduro tabata presente y a haci uzo di e oportunidad pa por a duna un reconocimiento na Robert Thiel.

Robert Thiel a nace dia 5 Januari 1958 den e humilde barrio di Paradera y cu su 12 aña el a siña toca cuarta cerca su Omo Fernando. Despues e la haya e oportunidad di tuma les di musica na Martinus School na Paradera, cerca Juffrouw Maybeline Arends-Croes cu a caba di yega for di Hulanda.

E mesun temporada, Robert a haya un vakantie job na Natural Bridge y aki ta caminda el a conoce e pianista Jossy Luidens. Eynan el a cuminsa siña toca piano ora e tawata trahando. Jossy mes tawata siñ'e con pa pone su dedenan riba piano. Despues di 1 aña cu e por a domina e piano basta bon, cu su 16 aña e tawata toca na Natural Bridge pa e turista-, y localnan tur diadomingo. Aki su carera musical como pianista a cuminsa.

Cu su 17 aña Robert a haya un chens pa toca cu un banda musical cu yama Revolucion Latina, bou direccion di Sr. Pedro Quandres y Director Martin Quandus, na unda ela toca 10 aña cu nan y a graba 2 L.P. na Colombia y un par di 45 na Aruba.

Despues el a biaha pa Curaçao pa trabao y eynan el a siña toca trompet cerca Papachi Isenia y e dominicano Kilvio Fernandez. Robert a forma parti como trompetista pa e banda La Tremenda, The Apple, y La Seleccin.

Despues di 5 aña na Curaçao e la bolbe bek Aruba y aki el a bin toca piano pa La Nueva Fuerza. Na 1988 Robert a lanta su mes un banda na aña 1 cu yama Grupo Candela, cu a gana Cancion di aña y Banda di aña.

Na aña 1985 Robert a biaha pa Hulanda pa forma parti di e banda Sensacion Latina, hunto cu su ruman chikito Efigenio Thiel (q.e.p.d.), eynan nan a toca hunto. E ora Robert, Efi y Albert Albertsz a dicidi di lanta e banda Los Bravos.



Na 1989 nan bin Aruba pa toca den Carnaval y a bin residencia bek. Despues nan a drenta Hotel pa toca pa e turistanan. Na 1992 Robert a cuminsa toca den Restaurant na Talk of The Town, na aña 2000 Robert a bay toca na Restaurant La Dolce Vita., despues na 2004 a bay toca den Seaport Casino. Na aña 2017 Robert a cuminsa toca free lance na Cas di famia hunto cu e cantante Nicole Martines-De Kort. Ademas Robert a toca na e.o. Peanuts Restaurants, Djispie's Place, fiesta di casamento, fiesta di ricibimento, fiesta di cumpleaños, etc.

Na varios ocasion Robert su cancion a sali cancion di aña di varios Top di Cancionnan di Fin di Aña. Nos por corda e popular cancion cu nos tur a yega di baila y disfruta den fiestanan manera "Duna Bo Un Serenata", cu te dia di awe ta pidi na tur fiesta.

Na casi final di e discurso Robert "Riba Wiel" Thiel a haya su plakkaat di reconocimiento pa su 50 aña den farandula. E reconocimiento ta bisa: Gobierno di Aruba, Reconocimento na ROBERT THIEL. Danki pa de-leita, mantene y promove nos herencia musical pa mas di 50 aña.

Robert a ricibi su reconocimiento bao di aplauso di tur esnan presente. Minister Maduro a toca tambe e honor pa duna un reconocimiento na varios musico cu durante e ultimo 50 aña a acompaña y sostiene Robert Thiel durante su trayectoria musical. Tabata un bunita celebracion cu a conta cu presentacion di varios banda y amigonan musico di Robert, como tambe Mr. Saab cu a bini for di Corsou y tambe presentacion di Robert Thiel su propio yiu Jeon & Friends.



Polis a detene chauffeur bao influencia di substancia cu a bay dal riba e cura di Marriott



Diadomingo madruga a drenta informe di un accidente banda di Marriott, mesora a dirigi un patruxa na e sitio.

Na yegada di e patruxa a bin compronde cu aki ta trata di un chauffeur bao influencia

di un of otro substancia cu a bay dal riba e cura di Marriott.

Polis a test e chauffeur y ela surpasa e limite permiti. Polis a detene e chauffeur ppa a core bao influencia y ocasiona un accidente.



Polis a detene chauffeur coriendo malo bao influencia di alcohol

Diadomingo madruga durante patruxa ta nota un auto coriendo malo riba caminda na Eagle Beach, mesora nan a duna e chauffeur señal pa para.

Ora polis a bay test e chauffeur esaki a surpasa e limite permiti y polis a detene e chauffeur.



Polis a topa persona mal benta riba caminda y cu 2 homber banda di dje, a pidi ambulans cu urgencia



Diadomingo madruga durante patruxa polis a bin topa un persona benta abao riba caminda banda di un auto y cu 2 persona masculino banda di

e persona, nan a nota cu e persona ta muestra malo cu comportacion raro, pa kita tur duda a solicita presencia di ambulans cu urgencia.

Un di e hombernan ta bisa cu e ta biba no mucho leu y cu el a bebe demasiado alcohol y esey tin e asina.

Un di e hombernan kier a bay cun'e pero polis a bisa laga ambulans bin controle. Na yegada di e ambulans nan a controla e persona pero e persona mes a nenga di bay

cu e ambulans y a keda na e sitio. Ambulans a bay polis a tuma e nombrenan di esnan presente y sigui cu su patruxa.



Adictonan ambulante ta apoderando di casnan bandona buscando un refugio



Diasabra merdia a drenta informe di cu lo tin un adicto ambulante cu lo ta drentado den un cas ban-

dona na Wilhelminastraat, mesora a dirigi un patruya na e sitio.



Na yegada di e patruya nan a revisa e cas pero aparentemente e adicto no tabata na su refugio e momentonan ey.



Polis a keda di tira extra vigilancia pero e doño di e cas tambe a ser conseha pa haci algo mas pronto posibel sea

dreche pa huur of biba eynan si no bende.

Boom di boto di bela a bay dal trahador di watersport riba boto

Diasabra mainta a drenta informe di un incidente riba un boto di bela unda un boom di e bela a dal e bente abao y e trahador tabata keha di masha hopi dolor.

Mesora a dirigi tanto polis como ambulans na Pelican Pier. Na yegada di e patruya ya caba e personal di ambulans tabata hibando e victima den ambulans pa transporte pa hospital.



Nan a dispara 4 proyectil riba porta di un cas na Tanki Leendert

Diasabra mainta tempran un habitante di Tanki Leendert a ripara cu desconosidonan a dispara 4 proyectil riba e porta di su cas.

El a keda di notifica autoridad di e hecho aki cual lo a sosode den oranan di madruga.



Polis a bay atende un persona cu problema di salud mental cu a kere e ta “Zorro” y tabata zwaai spada

Diasabra mainta durante patruya polisnan di T.O.P. (Tourism Oriented Police) pasando banda di Oficina Central di Post a nota un persona cu tabata zwaai cu spada, mesora polis a acerca e individuo y cu tactica a desarme.

A bin logra haya sa cu ta un persona conosi pa tin problema di salud mental. Nan a pidi e vehiculo di transporte pa hib’e warda di polis y a contacta slachtofferhulp pa intermedia pa wak si ta interne na respaldo.



Na Noord polis a detene homber cu a choca su pareha

Diasabra madrugá a drenta informe di un caso di problema di pareha unda e cos a bay asina leu unda un homber a choca e muher na un cas na Noord, mesora a dirigi un patrúya na e sitio.

Na yegada di e patrúya a bin compronde cu e situacion ta tenso y pa mas seguridad polis a detene e homber y a bay warda di polis cun'e.



Polis a confisca brommer sin papel cu number falso y cu a pasa den verboden



Diabierna anochi durante patrúya na Companashi polis a nota un brommer drenta direccion prohibi, mesora nan a bay si tras y a par'e.

Ora a control'e a bin descubri cu su papelnan no ta na ordo y e number ta falso. Polis a confisca e brommer te ora cu e motociclista regla su papelnan y e por pasa busk'e na warda.

Polis a detene homber cu a bay na cas di su ex y a maltrat'e

Diasabra mainta a drenta informe di un caso di maltrato na Sabana Blanco, mesora a dirigi un patrúya na e sitio.

Na yegada di e patrúya a bin compronde cu aki ta trata di un ex cu a bin na cas di e dama y a maltrat'e pero na yegada di e patrúya e homber a logra huy pero polis a keda den cercanía wak si e homber ta bolbe y asina a sosode pero polis tabata tey y a gar'e y detene pa maltrato.

E dama a keda di bay entrega un denuncia pa e maltrato na oficina di recherche.



Polis y ambulance a bay cu urgencia na e basketballveld na Nijhoffstraat pa un persona cu 3 hinca y gravemente herida



Diabierna anchi a drenta informe di cu tin un yiu a yega cas cu un herida di hinka na un cas na Nijhoffstraat, mesora a dirigi tanto polis como ambulans na e sitio.

Na yegada di e patrúya a bin compronde cu meintrás tabata tin un pelea andando un persona a ser hinca na 3 biaha y esaki a sosode banda di e basketballveld den Nijhoffstraat. E victima ta un persona di 33 aña cual a ser hinca 2 biaha na su abdomen y un biaha na su pecho. Po-

lis a pone un paña pa wanta e sangramento y a nota cu e condicio di e victima ta empeorando y a pidi e ambulans cu mas urgencia pero e trafico tabata druk.

Na yegada di e ambulans nan a atende rapidamente y cu urgencia acompaña pa polis a escolta e ambulans pa hospital. Na e sitio di e susedido polis a papia cu 3 testigo y polis a logra captura e prome sospechoso y a hiba esaki cu urgencia na warda di polis pa asina saca afor kiko ta e problema.



Grandioso fundraising pa Q-Jaelly na Club Primavera!

Diadomingo 30 di Juni
GLW Foundation y GLW
Production pa organisando un grandioso Fundraising Event pa un criatura di 4 aña yama Q Jaelly.

Q-Jaelly a wordo diagnostica cu e condicion di Charcot Marie Tooth Tipo 2 cual ta un enfermedad unda e spier nan ta degenera y poco poco lo stop di funciona, y p'esey mes famia ta buscando un mihor opcion pa un mihor calidad di bida na Hulanda.

Pa e motibo aki tambe ta organisando un evento den Club Primavera for di 10or di mainta te cu 7or di anochi. Lo tin snack box, cake box, pan dushi , croquette,

pastechi, y parti merdia lo tin pan cu hotdog, pan cu hamburger, arroz con pollo, sopi carni, sopi galiña , y mas cos pa savoria. Un bar bon surti y tambe lo tin collect box na Club Primavera.

Candidatanan di Miss Teen tambe lo ta riba caminda pa asina collect tambe riba caminda. Si bo persona ta desea di aporta financieramente of cu un snack/cuminda of cos dushi ppor fabor Whatsapp na 561-6151 pa mas informacion. Amigonan comerciante cu ta desea di donante producto tambe ta mas cu bon bini

Ban yuda e famia aki cu e
fondonan necesario pa asina



nan por establece nan mes na Hulanda pa un mihor calidad di bida. Ban uni hunto pa e bunita causa aki.

Procedura pa biaha cu menor di edad

Diamars mainta, director di Inmigracion Aruba (IA), Sr. Andrew Hoo, a duna un conferencia di prensa tocante e procedura pa biaha cu menor di edad. Manera ta conoci, tin diferente rekisito pa biaha cu un menor di edad, pues a delinea esaki mirando cu vakantie di scol ta den porta.



Cada año, Inmigración Aruba, te confronta diferente caso caminda mayornan pa un of otro motibo no tin e documentonan necesario pa biahá cu un menor di edad, p'esey desde dos año pasa e formulario di permiso ta obtenibel riba e página di Gobierno, esta: www.gobierno.aw, asina comunidad por download esaki facilmente ora ta biahá cu un menor di edad.

- Copia paspoort di esun cu ta duna permiso (mayor/voogd);
- Copia paspoort di acompañante;
- Copia paspoort di menor di edad;
- Si ta aplicabel, copia di permiso valido;
- Si ta aplicabel, copia di gezag register;
- Copia di pasashi di regreso.

Segun director di Inmigracion Aruba, e procedura ta necesario, pasobra Aruba tin cu cumpli cu e reglanan internacional contra traficacion di hende (menshandel en mensensmokkel). Tambe, mester proteha e menor di edad di, por ehempel, secuestro.

Banda di esakinan, ta posibel pa entrega e “geboorteakte” di e menor di edad, sinembargo esaki no ta necesario si cumpli cu e prome rekisitonan menciona.

Mester hiba e formulario y tur otro documento na oficina principal di Inmigracion Aruba pa control y stempel.

Cada persona cu ta desea di biaha cu un menor di edad, pa cualkier motibo, sea vakantie, biahe di scol of biahe pa deporte tin cu yena e formulario “Toestemming reizen met minderjarig kind” (Permiso pa biaha cu un menor). Asina por demostra, ora di pasa control na Inmigracion, cu di berdad tin permiso pa biaha cu e menor di edad.


Immigracion Aruba ta haci un apelacion na cada mayor/ persona cu ta desea di biaha cu un menor di edad, pa tene cuenta cu e proceso aki por tuma tempo den e temporada druk di vakantie, pues ta sugeri pa hiba e formulario y tur otro documento, minimo 4 dia prome cu biaha. Di e forma aki, lo evita di haya problema y/of perde vuelo.

Un bes cu download e formulario, mester yena esaki completamente. Hunto cu e formulario, mester entrega e siguiente documentonan:

Keda pendiente pa ricibi mas informacion den e simannan nos dilanti.

Resultado Sorteo


Junio 24



Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
2183	7395	7959	1152
5759	3702	SUPER5	2351
3186	1361	-	2121

MERDIA




Sorteo # 4306


6172

5049

5625




X3




Sorteo # 4306

0522




X2



Sorteo # 2362


0370



Sorteo # 4306


0385

Aries




Sorteo # 1180

988



FP




Sorteo # 8276


0712

8701

5949




FP




Sorteo # 7320

7718




X2



Sorteo # 2025


6854



Sorteo # 6079


6514

Cancer




Sorteo # 1009

216



FP




Sorteo #

0 x Jackpot

0 x Match 4+

0 x Match 4

0 x Afl. 12,00




Sorteo # 6512

0 x Jackpot

59 x Match 4

1395 x Afl 8,00



Sorteo #


0 x Jackpot

0 x match 4

0 x Afl. 500,00

0 x Afl 50.00

0 x Afl.15,00



MEGA PLUS

Sorteo #

Joker

Letter

Proximo Jackpot

1.000.000,-

02-04-19-24-26

Proximo Jackpot


50.000,-

Mega Ball


Proximo Jackpot

300.000,-

Afl. 400.000,-




Sorteo #



	8		5		6		9	
3			9	7	1			
2	3	6	1	5	9		8	4
						9		1
			8			3	5	
8		4	6	3		2	1	9
	5				4	8	3	
9		3		1			6	5

Difficulty: ★★

6/25



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Kibrahacha San Nicolas
Tel. 583 4908 Tel. 584 5712
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour &
Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Onigiri: No mesun famoso cu ramen of sushi pero toch "soul food" di Hapon



(AP) - E palabra "Onigiri" a bira parti di Oxford English Dictionary e ana aki, prueba cu e bala di aros humilde y parti clave di cuminda Hapones a drenta uso global.

E balanan aki di aros ta yena cu un variedad di diferente ingrediente y tipicamente lora den seaweed. E ta un plato di tur dia cu ta e nifiado di "washoku", un tipo di cuminda tradicional Hapones cu a ser designa un UNESCO Tangible Cultural Heritage un decada atras.

Onirigi ta "fast food, slow food y soul food," segun Yusuke Nakamura a bisa, ken ta lidera Onigiri Society na Tokyo.

E ta lihe pa motibo cu por haya esaki hasta na minimarketnan. Slow pa motibo cu e ta usa ingredientenan di lama y montaña, segun el a splica. Y 'soul', pa motibo cu hopi biaha e ta ser traha y consumi entre famia y amistadnan. Tampoco tin mester di ningun herment, solamente bo mannan.

Onigiri, den su forma mas original, a cuminsa den siglo 11; e a menciona den Murasaki Shikibu su "The Tale of Genji." Tambe e ta aparece den Akira Kurosawa su pelicula clasico "Seven Samurai" como e regalo mas grandi di gratitud entre agricultornan.



Kico ta pone den onigiri?

E caracteriza pegahoso di aros Hapones ta clave. Loke ta ser poni aden ta ser yama "gu". Un faborito di semper ta umeboshi of plum sala. Tambe mentaiko, cual ta un tipo di webo di pisca cu ta pica. Sinembargo, en general,

cualkier cos por ser poni den un Onigiri, te hasta keshi of soseishi.

E bala di aros despues ta ser losa cu seaweed. Te hasta un solo onigiri grandi lo haci un cuminda, aunke hopi hende lo come mas cu esey.

Pronostico di tempo

Tempo:

Awe tardi y awe nochi: levemente te parcialmente nubla y generalmente seco
Den marduga y mañan: parcialmente nubla cu un awasero breve

Temperatura maximo 33
grado celsius
Temperatura minimo 28
grado celsius
Indice di calor (heat index) den y rond di oranan di merdia: 34 pa 40 grado celsius
UV index: 12

Bahada di solo : 7:08 pm
Subida di solo : 6:16 am

Biento:

Moderate te basta fuerte for di direccion generalmente oost;
Forsa 4 te 5 (20 te 39 km/ora, 11 te 21 nudo).
Durante di dia of den awasero fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:
Humedad disponible lo por induci un awasero local den oranan di marduga y mainta di diamars. Un otro tropical wave ta situa den parti oost



di Caribe y lo pasa den region local bayendo west durante di diamars pa diaranson. Humedad y aire instabil trece pa e sistema aki lo por induci algun awasero pasahero te breve cu tambe un chens chikito pa lamper cu strena. Mas aleu tin cu bisa cu stof di Sahara lo drenta region un biaha mas y stroba visibilidad y trece aire di calidad abou. Ta sugeri personanan cu alergia y problemanan respiratorio ta tene esaki na cuenta.

Condicionnan maritimo/ estado di lama:

Na partinan protegi di costa: keto, rond di 1 pia.
Na partinan zuid: trankil te modera, entre 2 pa 3 pia.
Na partinan oost te noord-west di costa: Modera cu olanan alrededor di 4 pa 5 pia, localmente 6 pia.

TA BUSCA

Fireson Brewing Company
ta busca
"Cook"
Por yama na
Tel. 699 3495

218074

TA BUSCA

Amar Beach Wear
ta busca
"Sales Person"
Por yama na
Tel. 561 1189

218076

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Den cunucu di yerba berde E ta ponemi sosega
E ta hibami na awanan trankil pa mi sosega
Salmo 23 :2

Conforme cu boluntad di SEÑOR nos ta anuncia
fayecimento di:



Joseph Wilbert Stanley Pourrier

*11-09-1961 - † 17-06-2024

Yui di: Everardo y Regina Pourrier

Na bida: Voorzitter di PEVEA, Miembro di fundacion
STT,

Ex Miembro di directiva STT

Na number di su

Yiunan stima: Stelyan Pourrier y Cedric W
Starling Pourrier y Jesus R
Stenlis Pourrier y Walter P
Ruthline Jullienne Lue y Darring O

Nietonan: Liondrick, Jaydrick y Jairoon

Rumannan: † Severino Pourrier y Famia
† Ramona Dorcas y Famia
† Filomena de Windt y Famia
Sonia Herde y Famia
Ludwina Pieters y Famia
Judith Pourrier y Famia
† Maria Pourrier
Jesus Martines Pourrier
† Magda Arrindell y Famia
† Ramon Pourrier
Steven Pourrier
Ceraldine Davelaar y Famia

Ex- casa: Odalis Orman y yiunan Richenella y Sholyan

Tanta: Margot Thode y Famia

Demas famia, subrino y subrinanan, primo y primanan, swa
y cuñanan
Gerencia, Staff y Personal di Setar N.V.

Su coleganan di afdeling RBTS, afdeling Algemene Dienst,
Afdeling Account management, afdeling di HR y di
Marketing, Afdeling di PK y OSP

Su bon amigonan di High Performance y Valentinos,
Amigonan di Sams Store, di Secure Logiq, amigonan di
Avigilon

Su bon amigo y amigonan di cas cu semper a yud'e ,
sostene y semper tawata tey p'e, cu ta mucho hopi pa
menciona, su bisñanan y demas amistadnan.

Famia y amigonan na Boneiro, Curacao, Merca y Hulanda

Famia: Pourrier, Orman, Tromp, Dorcas, De Windt,
Pieters, Wernet, Davelaar, Arrindell, van der Blonk, Llanez,
Jansen, Gomez, Keteldijk, Croes, Vrolijk, Quant, de Windt,
Maduro y Thode.

Condolencia ta tuma lugar dialuna, 24 juni 2024 na Aurora
Funeral Home, di 7:00 pm pa 9:00 pm.

Acto di despedida lo tuma lugar Diamars, 25 juni 2024 di
9:00 a.m. pa 11:00 a.m, na Aurora Funeral Home, sigui pa
cremacion den seno familiar.

Nos ta lamenta cu despues di entiero nos no por ricibi
bishita di condolencia na cas.

Nos ta pidi disculpa si den nos tristesa nos por a lubida un
of otro persona.

Como Stanley ta un hende alegre nos lo desea pa tur
atendido bisti na color.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señor ta mi wardador, min tin falta di nada.
Den cunucu di yerba berde e ta pone mi sosega.
E ta hiba mi na awa trankil.
Pa mi bolbe haya forsa
Salmo 23

Cu tristesa den nos curason pero conforme cu boluntad di
Dios, nos ta anuncia fayecimento di nos Ruman, Tanta y
Prima:



Sra. Vda. Bertha Maduro Thiel

* 11 mei 1934 – † 20 juni 2024

Na number di su:

Rumanan:
Emelina Thiel
Mathias y Mina Thiel – Caster
Sr Vdo Simeon Thiel y † Filomena Geerman, Sra Vda
Violeta Lampe Croes y Famia
Damaso Thiel
Esteban y Gretha Thiel-Dirksz
† Rumannan den felis Memoria
Sobrina y sobrinonan, primo y primanan, ihanan y demas
Famia: Thiel, Caster, Kock, Maduro, Croes, Klooster,
Dirksz, Dap, Koolman, Geerman, Fawcett, Gomes,
Werleman, Booukhoudt, Perez.

Oportunidad pa condolencia y despedida lo tuma lugar
diaranson 26 di Juni 2024 di 9.00 pa 11.00 am na Aurora
Funeral Home.
Cremashon lo tuma lugar den seno familiar.
Disculpa nos si den nos tristesa nos por a lubida algun
familiar, amigo of conoicir.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señor ta mi wardador, mi'n tin falta di nada
Den cunucu di yerba e ta ponemi sosega.
E ta hibami na awa trankil.
Pa mi bolbe haña forsa.
Salmo: 23

Cu dolor na nos curason; pero conforme cu boluntad
di Dios nos ta anuncia fayecimento di:



Virginia Criskla Maria Angela

mihor conoci como: "Vilma"

*27-10-1954 †18-6- 2024

Acto di entiero lo wordo anuncia despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señor ta mi wardador, mi'n tin falta di nada
Den cunucu di yerba e ta ponemi sosega.
E ta hibami na awa trankil.
Pa mi bolbe haña forsa.
Salmo: 23

Cu hopi tristesa na nos curason pero agradecido
pa tur loke nos a comparti cune, nos ta anuncia
fayecimento di nos casa, tata, welo, ruman, omo y
amigo:



Felix Rufino Croes

Mihor conoci como Feli

*07 november 1937 - † 23 juni 2024

Na number di su:

Esposa: Reina Croes-Hernandez

Yiunan:

Edgar y Yosmar Croes-Heide
Eugene y Lori Pick

Nietonan: Ziyon y Zavianna Croes

Bon amigonan di famia: Ben y Carla van Welie

Rumanan:

Lucy y Raymond Kelly
† Edwin y Jolanda Croes y famia
Lucas y † Glenda Croes y famia
† Sila Croes
Livia y Dolf Boekhoudt y famia

Swa y cuñanan:

† Mai & † Nini Hernandez y famia
† Roman y Rosa Hernandez y famia
† Chimbo y † Betty Hernandez y famia
† Rosa y † Eddy Lacle y famia
Sai y Dora Hernandez y famia
Ina y Nick de Mey y famia
† Candy y Carmen Hernandez y famia

Iha y Ihanan

Primo y primanan
Comer y Comper
Bisinjanan

Demas famia: Croes, Hernandez, Heide, Pick, De
Mey, Lacle, Feliciano, Croeze, Boekhoudt, Erasmus,
Gomez, Kelly, van Welie.

Condolencia ta tuma lugar diaranson 26 Juni, 2024, di
7or pa 9or di anochi na Aurora Funeral Home. Acto
di despedida lo tuma lugar Diahuebs, 27 Juni 2024 di
9or pa 11or di mainta na Aurora Funeral Home, sigui
pa cremashon den seno familiar.

Gradicimento ta bai tambe na tur enfermera di WGK,
Edmund Harms y en especial Carol pa e sosten duna
durante e ultimo lunanan.

Na lugar di flor of krans un donashon pa Edmund
Harms foundation lo ta altamente aprecia.

Nos ta lamenta cu despues di entiero nos no por ricibi
bishita di condolencia na cas.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa”.
Salmo: 23

Cu inmenso tristesa den nos curazon pero conforme cu
boluntad di señor, nos ta anuncia fallecimiento di nos
mama, wela, ruman y tanta stima



Gerarda Alicia Suarez-Dania
Mihor conoci como Ada di Pampi y Oma Ada
*31-07-1940 - 21-06-2024

Na number di su:

Yiunan:

Fabiola Dania
Victor y Maureen Suarez-Odor na Hulanda
Erold Suarez
Soraida Suarez
Mildred (Mimi) y Franklin Peña
Magaly (Ali) Suarez

Rumannan:

Elvira Dania
Rudolf y Sita Dania y famia
Lourdes y Orlando Villacis
Erwin y Lucía Dania y famia

Nietonan:

Louise-Ann Suarez y famia, Joell Suarez y Suhailly
Fortin y famia, Nicole y Trevor Dovermann y famia,
Angelique Suarez y yiunan, Jeremy Paesch, Stephany
Paesch, Ulrich Peña y Justin Peña.

Bisanietonan:

Ilaisha, Zion, Luigi-Ann, Ludmar, Daily, Jullienne, Jody,
Luisa, Derrel, Caitlynn, Thyrell, Anthony y Reymy-Leen

Taranietanan:

Isheyra y Ishma-Ellie

Cuñanan:

Ysabel Arias y famia, Filomena(Mena) Suarez y famia,
Marcolina Maduro y famia

Manera yiu:

Gelou Wever y famia

Amiga di semper:

Elodia Semeleer na Curacao

Tanta, subrina y subrinonan, prima y primonan, comer y
compernan, Ihanan, su bisiñanan di Weg Rooi Hundo y
PosChiquito, amiga y amigonan, famianan na Curacao,
Bonaire, Hulanda y demas famia y conocirnan.

Famianan: Suarez, Dania, Odor, Paesch, Peña, Villacis,
Danje, Dovermann, Fortin, McDougal, Wanga, Fingal,
Koolman, Kelkboom, Wever, Trenidad, Windster,
Semeleer, Werleman, Kelly, Ridderstap, Wong, Gomez,
Barkmeyer, De Lange, Hoek, Loeftop, Loopstock, Ras,
Maduro, Helder, Willems, Silvestre, Wout, Alberts,
Robert, Henricus, Desbarida, Kock, Arias

Acto di condolencia y entiero lo tuma lugar diahuebs,
27 di juni 2024 na Misa Cristo Rey na Brazil y despues
pa Santana na Sabana Basora.E restonan mortal di nos
defunto stima Ada lo ta reposa for di 2pm den Misa
Cristo Rey na Brazil

Si den nos tristesa nos a lubida algun familiar nos
disculpa pa cu esaki.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa”.
Salmo: 23

Cu hopi tristesa pero conforme cu boluntad di Dios nos
ta anuncia cu a bay laga nos den brasa di Señor



Feng, Jingyue
*01-02-1973 - 20-06-2024

Casa:

Hou, Qunying

Yiunan:

Feng, Jinxiang
Feng, Yuping

Ruman:

Feng, Chaoli,
Feng, Chaogun
Feng, Chaoyi
Feng, Weiyue

Subrino(a)nan:

Feng Nianxiang
Feng, Yuci

Cuñ: Feng, Wanlan

Primo(a)nan , amigo y conocirnan, bisiñanan

Ta invita pa acto di despedida cu lo tuma lugar diamars
25 di juni 2024 na Aurora Funeral Home di 2’or pa 4’or
di atardi. Acto di cremashon lo tuma lugar den seno
familiar. Despues di cremashon no ta ricibi bishiti di
condolencia na cas.

Nos disculpa si den nos tristesa nos por a lubida cualkier
persona.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Ta anuncia fayecimento di:



Alexander F. Moore
*06-05-1968 - 20-06-2024

Acto di despedida lo wordo anuncia despues

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señor ta mi wardador, mi no tin falta di nada.
Salmo:23

Conforme cu boluntad di Dios nos ta participa fayecimento
di nos casa, mama, wela y bisa wela stima:



Gloria Lesire Nedd
Naci na Aruba *31-10-1951 - +19-6-2024

Na number di su;

Esposo: Lionel A.Nedd

Yuinan:

Trevor Nedd y Micheline Solognier
Suelaica Nedd

Manera Yui: Melania Heyliger, Mayra Le Grand

Nieto y Nieta Nan:

Aleasha Nedd, Alanis Nedd y Pareha, Treshka Nedd y
Pareha, Jahim Richardson y Pareha, Jahkeasha Richardson y
Pareha, Trevor Jr Nedd, Angely Nedd y Yui nan

Bisanieto y Bisanieta Nan:

Alizienne Richards, Alikay Richards, Jahrwin Croes,
Jahnaya Richardson

Ruman Nan:

Aurelio Gonzalez y Yui nan
Gladys Lesire y Yui nan
Gregory Jullien y Yui nan

Tanta Y Omo nan:

Ofelia Gonzalez y Yui nan
Armando Gonzalez y Yui nan
Auristella Gonzalez y Yui nan
Alberto Gonzalez y Yui nan
Yolanda Gonzalez y Yui nan
Imelda Gonzalez y Yui nan
Irma Lesire y Yui nan
Dina Lesire y Yui nan

Subrino y subrina nan, primo y prima nan, swa y Cuñanan ,
comer y comper nan y iha nan.

Mihor Amiga nan: Monica Didder

Joyce Schoop
Melly Richards

Bon Bisiña nan: Edwina Croes

Le y Dela Erasmus

Compañero nan di Funari y conocirnan

Danki especial na Wilhelmina KankerFonds y na Symea
Violenes pa tur apoyo ricibi.

Demas famia: Na Hulanda, Na St.Maarten, Nedd, Lesire,
Gonzalez, Richardson, Richards, Croes, Gordon, Jullien,
Priest, Wilson, Gomez, Koc, Pieterella, Thokaai, Castillo,
Holmond, Phillips, Patrick, Heyliger, Le Grand, Martis,
Williams, Harris, Cijntje, Didder, Laban, Doran, Duinkerker,
Charles, Solognier, Ridderstap, Commenencia, Toussaint,
Bruisma, Cazenave, Sarkam, Dania, Wijman, Buikhuizen,
Smith.

Nos disculpa si den nos tristeza nos por a lubida algun
persona of famia.

Ta invita demas famia, bisiña, amigo, amiga y conocir nan
pa condolencia cual ta tuma lugar Diahuebs 27 Juni 2024 na
Pray Funeral Home y entiero cual lo tuma lugar Diabierne
28 juni 2024 na Pray Funeral Home. Despues di entiero nos
no ta risibi bishita di condolencia na cas.

Nos ta pidi pa, si lo kier honra e difunto, por fabor no
manda krans ni flor, Si lo kier hasi algo special por hasi un
donashon na funari. Lo tin un caha special di funari na Pray
pa esnan cu kier hasi un donashon.

Aurora Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.

Nos ta anuncia fayecimento di:



Rosiane Lubin

Mihor conoci como: "Nain"
*20-04-1945 - †15-06-2024

Acto di entierro lo wordo anuncia despues

Aurora Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Weber.

Cu dolor na nos curason, nos ta participa fayecimento di nos ser stima:



Michael Roland Dijkhoff

Mihor conoci como "Maikel"
*31-07-1963 - †22-06-2024

Acto di despedida lo wordo anuncia despues

Grecia ta bisa cu bisiña Nort Macedonia a kibra un trato historico di nomber, y ta adverti cu su speransa pa drenta UE por sufri



(AP)—Ayer a Grecia a acusa e gobierno centro-derechista di bisiña Nort Macedonia di kibra e trato historico riba e nomber di e pais, advertiendo cu esaki por trece su speransa pa drenta e Union Europeo den riesgo.

Atenas tabata respondiendo un dia despues cu e prome minister di Nort Macedonia Hristijan Mickoski a keda usa e nomber bieu di su pais, esta Macedonia, bisando cu el a haya e nomber nobo di e pais, bao di e acuerdo, "bergonsoso."

E trato di 2018 cu Grecia, cual ta bisa cu Macedonia ta e nomber di un di su regionnan, a ser firma pa e gobierno centro-iskierdista cu Mickoski a derota den e eleccionnan di dia 8 di mei. Esaki a trece un fin di un pleito largo tocante e herencia historico y

cultural, y a stipula cu e pais lo adopta formalmente e nomber nobo Nort Macedonia. E acuerdo a permiti pa Nort Macedonia drenta NATO mas despues.

Papiando den parlamento dia-domingo prome cu un voto pa aproba su gobierno nobo, Mickoski a keda usa e nomber bieu, Macedonia. Pero un rato despues den su huramento oficial pa oficina el a usa e nomber formal di e pais.

"(Mi) lo mester capitula dilanti boso y bisa cu e adhetivo bergonsoso ey, pasobra e ta desafortunadamente, parti di e ley y constitucion cu mi mester respeta como hefe di gobierno," Mickoski a conta legisladornan. Como miembro di UE, Grecia por stroba e adhesion di su bisiña den e aliansa—cual un otro bisiña Balcanico y miembro di e bloc, Bul-

garia, ta haciendo caba pa via di un disputa separa cu Nort Macedonia relacionando na asuntonan di minoria.

Ayer a minister di Asunto den Exterior Griego George Gerapetritis a bisa cu e adhesion di Nort Macedonia den UE lo ta "no imaginable y inacceptable" sin su respet "completo y incondicional" di ley internacional, incluyendo e acuerdo di nomber cu Grecia.

Gerapetritis a bisa cu e liderazgo nobo di Nort Macedonia "a dicide, sistematicamente y cu empeño, no pa usa (e nomber Nort Macedonia) domesticamente den discurso publico. Esaki ta un violacion obvio di e acuerdo cu ta yama pa e uso di e nomber Nort Macedonia ambos domesticamente y internacionalmente," el a bisa.

E presidente nobo di Nort Macedonia, tambe eligi na mei y apoya pa e partido di Mickoski, a frustra oficialnan Griego y di UE luna pasa por medio di yama su pais Macedonia den su huramento di oficina. Presidente Gordana Siljanovska-Davkova a insisti despues cu e tabatin un "derecho humano" pa referi na e pais manera e kier.

Malaysia ta detene 8 sospechoso di terror, posible menasa contra prome minister, rey y otronan mas

(AP)—Polis na Malaysia a detene ocho persona cu posible conexion cu a grupo militante di Estado Islamico (IS) y a stroba posible menasanan contra prome minister Anwar Ibrahim, e rey di e nacion y otro dos dignitario, e gobierno a bisa ayera.

Seis hende homber y dos hende muhe, entre 25 y 70 aña di edad, a ser deteni sin huicio den cuatro estado durante un operacion policial durante weekend, segun minsiter Saifuddin Nasution a bisa. Nan detencion a sigui varios operacion conduci na mei, el a bisa, agregando cu detencionnan a inclui un ex-profesor di universidad, amanan di cas y empleadonan den construccion.

Malaydia a tuma medidanan fuerte pa recorte e influencia di celnan militante conecta cu e



Estado Islamico, cu centenares di hende sospecha di tin conexion cu IS deteni den e pais prome cu 2020. Detencionnan asina tabata menos durante e ultimo añanan.

Saifuddin a bisa cu un investigacion a revela menasanan contra Anwar, e prome minister y Sultan Ibrahim Iskandar, ken ta tene e monarkia di e pais, como tambe top oficialnan policial y "individualnan importante."

E investigacion di polis ta continuando, el a bisa, sin duna mas detaye. Saifuddin a bisa cu no tabatin necesidad

pa preocupa tocante seguridad publico pasobra polis a tuma stap pa combati cualkier menasa di extremistanan di trempa caba. Pero el a urgi e publico pa keda vigilante, bisando cu tecnologia moderno y red social ta ser uza mas pa plama ideologianan peligroso.

Na comienso di luna, un homber a haya carga di plama ideologia di IS pa stimula terrorismo den su famia despues cu su yiu homber a drenta den warda di polis y a ser tira mata despues di mata dos agente policial. E casa di e homber y tres otro mucha tambe a haya carga den corte.



Asesinato di pareha jong Camboyano pa empresario cu titulo honorario ta rebiba preocupacionnan tocante impunidad

(AP)—Den un caso cu a trece un shock amplio den publico, un corte na Cambodia a entrega carga na un entrepreneur di real estate cu titulo honorario cu asesinato premedita di un pareha jong den e capital Phnom Penh.

Red social tabata yena cu comentario bisando cu e sospechoso probablemente no lo ser condena pasobra e ta rico, cual ta un perspectiva comun tocante e sistema hudicial den e pais Sur-Asiatico. E corte a duna huicio diasabra.

E sospechoso, Srey Siña di 50 año di edad, supuestamente a tira Long Lysong di 27 año y su comprometida Khim Kanchana di 25 año dia 17 di juni mientras e tabata interveniendo un disputa entre bisiñanan. Dos otro victima a keda herida.

Tambe a duna Srey Sina carga di intento pa asesina y posesion ilegal di un arma pa e Phnom Penh Municipal Court, segun un declaracion publica diadomingo pa e ministerio di Husticia. El a



bisa cu e cargonan lo ser procesa den dos procedemento separa, cada un permitiendo un sentencia maximo di 15 año den prizon. Cambodia no tin e castigo di morto. Fiscalnan a bisa cu carganan adicional por ser implementa despues di mas investigacion.

E corte a ordena e sospechoso keda deteni na e Prey Sar prizon. E no tabata disponible pa comentario y tampoco por a haya contacto cu oficialnan di corte pa puntra si e tin un abogado. E caso a atrae atencion masivo no solamente pa via di e asesinato apar-

entamente no provoca di un pareha jong y e disputa cu a causa esaki, pero pasobra e sospechoso tabatin e titulo di Oknha, un honor duna pa empresarionan cu ta haci donacionnan grandi na gobi-erno.

E titulo Oknha ta asocia generalmente cu magnatenan influencial cu ta considera como bon amigo di e People's Party gobernante di Cambodia, cual tin e poder pa casi cuatro decada caba. Pero tin aproximadamente 1,300 hende cu e titulo ey, mayoria di cual, manera e sospechoso,

no ta personanan conoci den publico.

Inoficialmente, e titulo ta asocia cu impunidad pa esnan rico, sirbiendo como un tipo di exencion of un manera pa scapa e regulacionnan di gobierno. Cualquier caso envolviendo criminalidad obvio—manera un atake fisico of narcotraficacion, pa ehemplo, cu ta atrae interes publico por trece critica na e gobierno, haciendo e vulnerable pa atakenan di su oponentenan.

Den reconocimiento di sensibilidad politico, prome minister Hun Manet y miembronan di su gobierno a publica un condolencia pa e mortonan y a duna siguransa cu husticia lo ser persigui. Despues di su detencion Srey Siña a perde su titulo pa Rey Norodom Sihamoni. Al menos dos otro posesor di nan titulo a perde di nan den conexcion cu casonan di fraude.

A reporta cu e tiroteo siman pasa a resulta for di un disputa entre e victimanan y un di nan bisiña, ken tabata un

teniente di un propiedad cu ta pertenece na e sospechoso. E teniente, ken no a haya carga di nada, supuestamente a yama Srey Sina pa yud'e cu e disputa, cual polis a bisa a envolvere asuntonan manera liña pa colga paña, mata di mango y espacio pa parkeer auto.

Video di camara di seguridad riba red social a muestra cu e sospechoso a muestra pa Long Lysong bay cerca dje na un luga net pafo di e bisti di camara, unda evidentemente el a tir'e. Despues por a mir'e back riba camara cu su pistol, mientras e otro victimanan a purba sconde bao di mesa, pero a ser persigui y tira.

Polis, ken a captura e sospechoso varios ora despues cu el a huy for di e sitio, a bisa cu el a confesa na e acto, bisando cu e tabata furioso cu Long Lysong tabata papiando fresco cune. Ademas di apelacion pa e castigo mas pisa pa e asesino, e incidente a resulta den un yamado pa limitacion riba posesion di arma.

Netanyahu ta bisa cu e lo solamente acepta un trato parcial pa un alto al fuego cu no lo caba cu e guerra



(AP)—Prome minister Israeli Benjamin Netanyahu a bisa cu e lo solamente acepta un trato parcial pa un alto el fuego cu no lo trece un fin na e guerra di ocho luna caba andando na Gaza, proyectando duda riba e viabilidad di un propuesta pa tregua apoya pa Merca.

Netanyahu a bisa cu e ta cla pa haci un trato parcial pa trece algun di e 120 rehennan ainda wanta pa Hamas na Gaza, pero “nos ta determina pa sigui e guerra despues di

e pausa, pa asina completa e meta di elimina Hamas.”

Su comentario diadomingo ta bin durante un tempo sensitivo mientras Israel y Hamas ta parce di ta moviendo mas leu for di otro tocante con e trato di alto el fuego lo bay, y mientras lidernan Israeli ta keda señala cu un guerra cu e grupo militante Libanes, Hezbollah, por sosode pronto.

E plan di tres fase pa un tregua na Gaza lo trece cune e libertad di e resto di rehennan wanta den un intercamb-

bio pa centenares di Palestino encarcela pa Israel. Hamas ta insisti cu e no lo libera e resto di rehennan tambe cu no tin un alto el fuego y un retiro completo di forsan Israel for di Gaza.

Israel a lansa e guerra despues cu Hamas a lansa un atake riba Israel dia 7 di october 2023, den cual militantenan a drenta e parti sur di Israel y a mata aproximadamente

1,200 hende—mayoria di nan ciudadano—y a secuestra aproximadamente 250.

Desde e tempo ey, Israel su ofensivo- y bombardeonan a mata mas cu 37,600 hende na Gaza, segun e ministerio di Salud den e teritorio, cual no ta distingui entre combatante y ciudadano den nan conteo.

Critico internacional ta sigui crece tocante e campaña di

guerra di Israel mirando cu Palestinonan ta enfrenta hambruna severo. E guerra a recorta un entrada di cuminda, medicina y produccionnan basico pa Gaza, cual awo ta depende totalmente riba ayudo for di exterior. E corte mas halto di e Organizacion di Nacionnan Uni (ONU) a conclui cu tin un “posible riesgo di genocidio” na Gaza—un carga cu Israel a nenga fuertemente.

